

# 2021-mi isertitat

## Imarisaa

---

<b>1. Aallaqqaasiut</b> .....	<b>2</b>
<b>2. Isertitat suuppat?</b> .....	<b>3</b>
<b>3. Inuit isertitaat</b> .....	<b>5</b>
3.1 2021-mi inuit isertitaat .....	5
3.2 Kommunini isertitat .....	10
3.3 Distriktini isertitat .....	12
3.4 Illoqarfinni nunaqarfinnilu isertitat .....	14
3.5 Suiaassutsit malillugit isertitat .....	17
3.6 Ilinniakkap qaffasissusaa malillugu isertitat .....	18
<b>4. Ilaqtariit isertitaat</b> .....	<b>20</b>
<b>5. Isertitat akileraarutaasussat pillugit kisitsisit</b> .....	<b>23</b>
<b>6. Isertitat agguataarneqarneri</b> .....	<b>25</b>
6.1 2002-miit 2021-mut Kalaallit Nunaanni isertitat agguataarneqarneri .....	25
6.2 Nunat tamalaat akornanni sanilliusineq .....	29
6.3 Ilaqtariit meerartallit akornanni isertitat agguataarneqarneri .....	30
<b>7. Periaaseq taaguutillu</b> .....	<b>32</b>
7.1 Siunertaq .....	32
7.2 Nalunaarsuutit tunngaviusut .....	32
7.3 Soraarnerussutisiaqalernissamut aqqiissutit Kalaallit Nunaata avataani inissisimasut .....	34
7.4 Isertitat atoriaannaat aamma isertitat immikkuullarissut .....	35
7.5 Isertitat pillugit kisitsisinik saqqummiussineq .....	36
7.6 Isertitat agguataarneqarnerini periaaseq .....	38
7.7 Ajoqutit .....	39
7.8 Taaguutit .....	39

---

## 1. Aallaqqaasiut

Saqqummersitami matumani innuttaasut isertitaasa qaffasissusaat, isertitaqarnerup ilusaa aamma suut isertitsissutaasinnaanersut ersersinneqarput. Saqqummersitami 2017-imiit 2021-imut isertitat takuneqarsinnaapput, kisitsisillu pineqartut kisitsisaataasivimmi 2002-miit aallartittut pissarsiarineqarsinnaallutik.

Isertitat assigiinngisitaarnerini The European Union Statistics on Income and Living Conditions (EU-SILC)-mi maleruagassat malillugit suliarineqarput. SILC EU-p ataani kisitsisitigut paasissutissiornermi assigiissaarinermik suleqatigiiffiuvoq, SILC-miillu OECD-mi piumasaaqaatit atorineqarput. SILC atorlugu nunanik allanik sanilliussisinnaaneq annertoq anguneqarpoq. Tassunga tunngatillugu saqqummersitami periaaseq pillugu immikkoortoq 7.6 kapitali 7-imiittoq atuarneqarsinnaavoq.

Saqqummersitaq kapitalinik arfineq-marlunnik immikkoortortaqqarpoq, kapitalit tamaasa immikkoortillugit atuarsinnaavatit. Kapitali 2-mi taaguutit isertitanut tunngasut pingaarnersiukkat atuarneqarsinnaapput.

Inuit isertitaanut tunngasut kapitali 3-mi sammineqarput. Kapitalip aallaqqaataani 2021-mi inuit isertitarisimasaanut tunngasut saqqummiunneqarlutik. Tamatumalu kingorna piffissami 2017-imiit 2021-mut inuit isertitaasa ineriartorsimaneri immikkut sammineqarput. Ukiut tallimat ingerlanerini najugaqarfiit malillugit inuit isertitaat ilanngunneqarput.

Kapitali 4-mi ilaqutariit isertitaat saqqummiunneqarput, kapitalillu tallimaanni isertitanit akileraarutit katinnerat takuneqarsinnaallutik. Kapitali 6-imi isertitat assigiinngisitaarneri pingaarnersiorneqarput. Tassani takutinneqarlutik isertitat assigiinngisitaarneri malillugit nunanut tamalaanut sanilliussinerit, naaneraniilu immikkut sammineqarput ilaqutariit meerartallit isertitaasa ineriartornerat. Kapitali 7-imi nalunaarsuutit tunngaviusut, malittarisasat, periaatsit taaguutillu nassuiaataannik saqqummersitaq naggaserneqarpoq.

Kalaallit Nunaanni isertitat 2002-miit 2021-mut kisitsisaat Kisitsisaataasivimmi pissarsiarineqarsinnaapput uani: [bank.stat.gl](http://bank.stat.gl). Kisitsisaataasivimmi nammineq toqqartuilluni kisitsisinik aallertoqarsinnaavoq, ass.: ukiut, suaassutsit, najugaqarfiit, inunngorfiit aamma ilinniakkat qaffasissusaat malillugit.

### Saqqummersitami iluarsaassineq

Saqqummersitami uani siuliini saqqummersinneqartunik iluarsaassisoqanngilaq.

## 2. Isertitat suuppat?

Isertitat tassaapput ukiup ingerlanerani inuup imaluunniit ilaqutariit aningaasat imaluunniit pissarsiaasa nalingi, ukiup siuliani pigisanit appasinnerunngitsut.

Isertitanut paasissutissat Akileraartarnermit Aqutsisoqarfimmit, kommuninit aamma Namminersorlutik Oqartussat Ilinniagaqarnersiuteqartitsivianeersuupput.

Naatsorsueqqissaartarfiup isertitanut paasissutissaasiviani isertitat ima immikkoortiterneqarput:

- Isertitat katillugit
- Isertitat akileraarutaasussat
- Isertitat atoriaannaat

*Isertitat katillugit* tassaapput isertitat tamarmiusut – inuup ukiumut isertitai akileraarutaasussaannngitsut aamma akileraarutaasussat. Isertitat katinnerinut uku ilaapput:

- Inuussutissarsiutinit isertitat
- Pisorta qarfinnit isertitat ikiorsiissutit
- Tjenestemandspensionit, ATP aamma utoqqalinersiat namminersortunit
- Pigisanit nalilinnit isertitat

Inuussutissarsiutinit isertitat tassaapput namminersortunit aningaasarsiat, sinneqartoorutit akissarsiarititat allarpasuillu. Pisorta qarfinnit akiliutigineqartut isertitanut ilaapput utoqqalinersiassat, suliffeerunnermut ikiorsiissutit pisorta qarfinnillu isertitat allat. Pisorta qarfinnit ikiorsiissutit isertitat akileraarutaasussaapput aamma ikiorsiissutaapput akileraarutaasussaannngitsut. Pigisanit nalilinnit isertitat tassaapput erniat aamma pigisanit nalilinnit iluanaarutit allat.

*Isertitat akileraarutaasussat* tassaapput aningaasarsiviit nunatta karsianut aamma kommuninut isertitanut naatsorsuutitut ilaasut. Isertitat akileraarutaasussat isertitat ilanngaattissat ilanngaatigereerlugit akileraarutaasussat katinneraat. Ilanngaattissat nalinginnaanerpaat ukuupput:

- Inummut ilanngaat, ilanngaat nalinginnaasoq aamma isertitanut B-nut ilanngaat.
- Akileraarutaasussanut ilanngaatit ass. suliaqarfiit kattuffiannut akiliinermut, ernianut akiligassat il.il.
- Namminerisamik utoqqalinersiassanut akiliisarnerit (Kalaallit Nunaanniittunut)

Malugiuk 2020-mi pilersinneqartoq sulinermut ilanngaat isertitanut akileraarutaasussanut ilanngaatitut ilanngunneqanngimmat. Akileraarpallaarsimanermit akiliutinut sulinermut ilanngaat

ilanngunneqartarpoq. Sulinermulli ilanngaait iluanaarutissanut ilanngunenarneq ajorput. Sulinermut ilanngaait pillugu paasissutissat annertunerusut saqqummersitap naanerani periaatsimut tunngasuni atuarneqarsinnaapput.

*Isertitat atoriaannaat* tassaapput, inuup ernianik akileereerluni aamma akilersuutitut akiligassat akilereernerini isertitai atoriaannaat. Inuit akilersuutitut akiligassallit akiliisussaataapput pinngitsoorait, taakkunungalu aningaasat atorneqartut inummut atoriaannaasinnaatit. Kisianni isertitat atoriaannaat a-kassemit, suliaqarfiit kattuffiit, angalanerit aamma akileraarutaasussanut ilanngaaitit, taakku inuup nammineq annerusumik minnerusumilluunniit aalajangersinnaammagu taakkununga aningaasartuutigisassani. Isertitanut atoriaannarnut sulinermut ilanngaait ilaatigut ilanngunneqartarpoq.

Taaguutitut isertitanut tunngasunut nassuiaatit kapitali 7-imi immikkoortumi 7.8-mi atuarneqarsinnaapput.

### 3. Inuit isertitaat

Kapitalimi uani inuit isertitaanut paasissutissat saqqummiunneqarput. Immikkoortut arfinilinngorlugit agguarneqarpoq, tassani inuit isertitaasa assigiinngissusii erseqqissarneqarput, najugaqarfinni aammalu isertitat qanoq inissisimanerat tunngavialugit saqqummiunneqarlutik.

Inuit isertitaat tamakkiisumik akileraartartut isertitaat tunngavialugit suliaapput, nalunaarsuiffi inuit isertitaanut ilanngunneqarsimapput ukiullu naanerani 15-inik ukioqalereersimasuullutik. Taassuma saniatigut Naatsorsueqqissaartarfiup inunnik nalunaarsuiffiani ukiup aallartinnerani aamma ukiup naanerani nalunaarsimasuusariaqarpoq.

Isertitaqarlutik akileraartartut, isertitalit nalunaarsuiffianni nalunaarsorsimasut ukiullu naanerani 15-inik ukioqalereersimasut tunngavialugit inuit isertitaat naatsorsorneqarput. Taassumalu saniatigut Naatsorsueqqissaartarfiup innuttaasunut nalunaarsuiffiani ukiup pineqartup aallartinnerani naanerani nalunaarsorsimasut tunngavineqarlutik.

#### 3.1 2021-mi inuit isertitaat

Isertitat pillugit kisitsisitigut paasissutissat aallartillugit isertitat pillugit, ukiumi pineqartumi inuit isertitaanut tunngasunik assigiinngitsunik saqqummiussisoqarpoq.

Isertitat pillugit nalunaarsuiffimmut inuit 49.779-it isertitaat 2021-mi nalunaarutigineqarsimapput. Taakkunannga 42.816-it piunasaqaataasut angusimavaat. Taakku isertitaat tunngavialugit 2021-mi inuit isertitaat suliarineqarput.

#### Inuussutissarsiornermit isertitat

Inuussutissarsiuutit isertitat tassaapput sulisut akissarsiaat, namminersortut suliffeqarfiutiminnit sinneqartoorutaat, siunnersortinut akissarsiarititat nunaniillu allanit isertitat il.il. Meerartaarnermi ullormusiat, angalanermi ullormusiat aamma sulilluni tunissutisiat isertitanut ilaapput. *Akissarsiat, sulilluni tunissutisiat il.il.* Inuussutissarsiornermit isertitat ilanngaateqanngitsut, tassa akileraannginnermi annertussusaat malillugit naatsorsorneqarput.

#### Takussutissiaq 3.1 Inuussutissarsiornermit isertitat. 2021


	Isertitat suussusaat malillugit	Isertitat annertussusaat	Isertitalinnut tamanut agguaqati- giissillugu	Isertitat suussusaat malillugu agguaqatigiis- sillugit
	Amerlass.	1.000 kr.	Kr.-inngorlugit	
<b>Inuussutissarsiornermit isertitat</b>	<b>35.969</b>	<b>10.266.790</b>	<b>239.789</b>	<b>285.434</b>
Akissarsiat, tunissutisiat il.il. . .	34.414	9.454.655	220.821	274.733
Suliffeqarfiup sinneqartoorutai	3.682	729.748	17.044	198.193
Nunanit allanit isertitat . . . . .	763	11.511	269	15.087
Suliaqartitsinermi akissarsiat aamma akissarsiat B-t allat	3.428	70.876	1.655	20.676

Najoqqutaq: <https://bank.stat.gl/INNPI101>

Takussutissiaq 3.1-imi takuneqarsinnaasutut 2021-mi inuit 35.969-it inuussutissarsiornermit isertitaqarsimapput. Isertitat katillugit 10,3 mia. kr.-usimapput. 2021-milu agguaqatigiissillugu inuit 42.816-it 239.789 kr.-nik inuussutissarsiornermit isertitaqarsimapput, inuillu 35.969-it agguaqatigiissillugu 285.434 kr.-nik inuussutissarsiornermit isertitaqarsimallutik.

Inuussutissarsiornermit isertitat annertussusaat ukioqqortussusermit aamma suaassutsinit sunnerneqartarput. Nalinginnaasumik angutit arnanut sanilliullugit inuussutissarsiornermit isertitaat annertunerusarput sulisinnaasullu akornanni aamma inuussutissarsiornermit isertitaat annertunerusarlutik, takuuk titartagaq 3.1.

### Titartagaq 3.1 Inuussutissarsiornermit isertitat ukiut suaassuserlu malillugit. 2021



Najoqqutaq: <https://bank.stat.gl/INNPI101>

Isertitat pillugit kisitsisitigut paasissutissanut utoqqalinersiaqalernissamut pinngitsoorani akiliisussaataianermut aamma ATP-mut akilikkat akissarsianut ilanngunneqanngillat. Utoqqalinersiaqalernissamut akilerneqartussat aatsaat isertitat pillugit kisitsisitigut paasissutissanut ilanngunneqartarput utoqqalinersiaqalersimagaanni. Nammineerlunili utoqqalinersianut akilikkat ilanngunneqarput ukiumi akiliiffigineqartumi inuussutissarsiummit isertitatut naatsorsuunneqarlutik. Suliffeqarfiillu namminersortut naatsorsuutaasa inerneru ukiumi pineqartumut naatsorsuutinuut aamma ilanngunneqartarput.

### Ikiorssiissutit

Pisortanit ikiorssiissutit isertitat tassaapput utoqqalinersiat, siusinaarluni soraarnerussutisiat, suliffeqanngikkallarnermi ikiorssiissutit assigiinngitsut, pisortanit ikiorssiissutit, ilinniagaqarnermusiat, ineqarnermut tapiissutit aamma meeqqanut tapiissutit. Malugiuk ikiorssiissutit ilaat akileraarutaasussaangimmata. Akileraarutaasussaangitsut ilaatigut tassaasinnaapput utoqqalinersianut, siusinaarluni soraarnerussutisianut ilinnigaqarnermusianullu tapiissutit assigiinngitsut.

## Takussutissiaq 3.2 Pisortanit ikiorsiissutit. 2021

	Isertitat suussusaat malillugit	Isertitat annertussusaat	Isertitalinnut tamanut agguaqatigiissillugu	Isertitat suussusaat malillugu agguaqatigiissillugit
	Amerlass.	1.000 kr.	Kr.-inngorlugit	
<b>Pisortanit ikiorsiissutit katillugit</b> .....	<b>19.309</b>	<b>1.063.942</b>	<b>24.849</b>	<b>55.101</b>
<b>Suliffeqanngikkallarnermi, pisortanit ikiorsiiss. il.il.</b> ..	<b>5.639</b>	<b>85.117</b>	<b>1.988</b>	<b>15.094</b>
Suliffeqanngikkallarnermi ....	2.262	25.297	591	11.184
Pisortanit ikiorsiissutit .....	3.883	59.820	1.397	15.406
<b>Ikiorsiissutit allat</b> .....	<b>11.761</b>	<b>278.416</b>	<b>6.503</b>	<b>23.673</b>
Ilinniagaqarnersiutit .....	4.949	151.241	3.532	30.560
Ineqarnermut tapit .....	4.513	87.533	2.044	19.396
Meeqqanut tapit .....	5.260	39.643	926	7.537
<b>Pisortanit soraarnerussutisiat</b> .....	<b>6.562</b>	<b>700.409</b>	<b>16.359</b>	<b>106.737</b>
Utoqqalinermi .....	4.047	441.133	10.303	109.002
Siusinaartumik .....	2.737	259.276	6.056	94.730

Najoqutaq: <https://bank.stat.gl/INNPI101>


Takussutissiami 3.2-mi takuneqarsinnaavoq 2021-mi inuit 19.309-t ikiorsiissutinik isertitaqarsimasut. Pisortat ikiorsiissutaat 1,1 mia. kr.-nik naleqarsimapput. 2021-mi agguaqatigiissillugu inuit 42.816-it 24.849 kr.-nik ikiorsiissutinik isertitaqarsimapput, inuillu 19.309-it agguaqatigiissillugu 55.101 kr.-nik ikiorsiissutinik isertitaqarsimallutik.

Aningaasat ikiorsiissutit eqqarsaatigalugit pisortanit soraarnerussutisiat 65 pct.-iullutik annertunerpaajusimapput. Ikiorsiissutit ass. ilinniagaqarnersiutit, ineqarnermut tapiissutit aamma meeqqanut tapiissutit 26 pct.-inik annertussuseqarput suliffeqanngikkallarnermut ikiorsiissutit aamma pisortanit ikiorsiissutit allat 8 pct.-iusimasut.

Ikiorsiissutinut assigiinngitsunut ukiut apeqqutaasarpud, aamma ikiorsiissutit annertussusaanut, takuuk titartagaq 3.2 takuuk. Inuusuttuaqqat 15-19-inik ukiullit akornanni ikiorsiissutinik allanik, ilinniagaqarnersiutit saniatigut, ikiorsiisarneq annertunersaavoq. Sulisinnaasut 20-64-inik ukiullit akornanni suliffeqanngikkallarnermi ikiorsiissutit annertunerpaappud, taakkulu saniatigut ineqarnermut tapit 40-44-illu akornanni ukiulinni annertunerullutik. Pisortanit soraarnerussutisiat ukioqqortusiartorneq malillugu annertusiartorput, 50-54-illu akornanni ukiulinni aallartereertarluni.



### Titartagaq 3.2 Agguaqatigiissillugu pisortanit ikiorsiissutit ukiunut agguallugit. 2021



Najoqqutaq: <https://bank.stat.gl/INNPI101>

Ikiorsiiisutit annertussusigisartagaat eqqarsaatigalugit ilaqutariit qanoq isikkoqarneri qiviassallugit naleqquppoq. Pisortanit ikiorsiissutigineqartartut annertussusigisartagaanut pingaarnerpaat tassaapput inuk kisimiittuunersoq imaluunniit aapparisamik najugaqateqarnersoq, ilaqutariillu akomanni meeqqat amerlassusaat, meeraqarnermi meeqqanut tapinik allanillu ikiorsiissutinik peqartoqarsinnaasarmat.

#### Pigisanit nalilinnit isertitat

Pigisanit nalilinnit isertitat tassaapput inuup imaluunniit ilaqutariit pigisaanit nalilinnit iluanaarutit. Pigisanit nalilinnit isertitanut ilaapput aktianit pappialanillu pigisanit nalilinnit allanit iluanaarutit aamma annaasaqaatit.

Pigisanit nalilinnit isertitat tamarmiusut tassaapput ernianit isertitat aamma pigisanit nalilinnit ass. aktianit assigisaannillu isertitat annaasaqaatillu. Ukiuni kingullerni ernianit isertitat ikilisimapput, erniat annikinneruleriartornerinik peqquteqartumik.

### Takussutissiaq 3.3 Pigisanit nalilinnit isertitat, ilanngateqanngitsut. 2021


	Isertitat suussusaat malillugit		Isertitalinnut tamanut agguaqatigiissillugu	
	Amerlass.	1.000 kr.	Kr.-inngorlugit	
<b>Pigisanit nalilinnit isertitat, ilanngateqanngitsut</b> .....	<b>1.141</b>	<b>7.695</b>	<b>180</b>	<b>6.744</b>
Erniarnit isertitat .....	960	607	14	632
Pigisanit nalilinnit allanit isertitat (aktianit il.il.)	192	7.089	166	36.921

Najoqqutaq: <https://bank.stat.gl/INNPI101>

Takussutissiaq 3.3-mi takutinneqarpoq 2021-mi inuit 1.141-t pigisanit nalilinnit isertitaqarsimapput. Pigisanit nalilinnit 7,7 mio. kr.-t isertinneqarsimapput. Pigisanit nalilinnit isertitat annerpaartaat aktianit, obligationinit, ernianit assigisaaniillu isertinneqarsimapput. 2021-milu inuit 42.816-iusut tamakkerlugit agguaqatigiissillugit pigisanit nalilinnit 180 kr.-t isertitarisimavaat, inuillu pigisanit nalilinnit isertitaqarsimasut 1.141-t agguaqatigiissillugu 6.744 kr.-nik isertitaqarsimapput.


Inuunerup ingerlanerani pigisanit nalilinnit isertitat annertusiartortarput, utoqqalinersiaqalernerullu nalaani annertunerpaanngortarlutik. Tamanna pigisanit nalilinnit isertitanit takuneqarsinnaavoq. Pigisanit nalilinnit isertitat annertussusaat suaassutsit malillugit aamma takuneqarsinnaapput, takuuk titartagaq 3.3.

### Titartagaq 3.3 Pigisanit nalilinnit isertitat, ilanngateqanngitsut ukiut suaassuserlu malillugit. 2021



40-nik ukioqalernermit angutit arnanit amerlanerusunik pigisanit nalilinnit isertitaqartarput. Tamanna assigiinngitsunik nassuiaatitaqarsinnaavoq. Nassuiaat siulleq tassaasinnaavoq ilaqutariit nalilinnik pigisatik (kreditlån aamma ernianut aningaasartuutit ilanngullugit) angummut nalunaarsorsimatittarsimagaat. Nassuiaat taanna titartakkami 3.4-imi ilaatigut ilalersorneqarpoq, titartakkamilu takuneqarsinnaallutik pigisanit nalilinnit isertitat ilanngaaseriikkat. Ernianut aningaasartuutit peereernerisigut arnat angutillu nalilinnit isertitaat assigiinnangajalertarput. Malugiuk pigisanit nalilinnit isertitat tamani negativiuinerat, arnat angutillu akornanni aamma ukioqqortussutini.

### Titartagaq 3.4 Pigisanit nalilinnit isertitat, ilanngaaseriikkat ukiut suaassuserlu malillugit. 2021



Najoqqutaq: <https://bank.stat.gl/INNPI101>

Isertitat pillugit kisitsisitigut paasissutissanut pigisanit nalilinnit isertitat tamarmik ilaangillat. Ilangunneqarsimanngitsut pingaarnerit tassaapput akileraarutitaqanngitsumik iluanaarutit, ass. illumik tunisinermi pisinermilu kiisalu utoqqalinersiaqalernissamut pigisanit isertitat, takuuk kapitali 7-imi immikkoortoq 7.4.

Naatsorsueqqissaartarfiup Kisitsisaataasiviani 2008-miit 2021-mut inuit isertitaannut tunngasunik tabelinik nammineq toqqartuilluni kisitsisinik aallertoqarsinnaavoq 2008-miit 2021-mut.

### 3.2 Kommunini isertitat

Kommunini tamani Kommuneqarfik Sermersuumi inuit isertitaat annertunerpaapput. Qeqqata Kommuniani isertitat qaffasissusaat nuna tamakkerlugu agguaqatigiissinnerisa annertoqqataanik inissisimapput, Kommune Kujallermili, Kommune Qeqertalimmi aamma Avannaata Kommuniani nuna tamakkerlugu agguaqatigiissitsinermi isertitat 13-22 pct.-inik appasinnerullutik, takussutissiaq 3.4 takuuk.

2018-imi januaarip aallaqqaataani Qaasuitsup Kommunianut marlunnut avinneqarpoq; Kommune Qeqertalimmut aamma Avannaata Kommunianut. 2002-miit 2021-mut isertitat kisitsisitigut paasissutissaat kommunit nutaat tunngavigalugit suliarineqarput.

### Takussutissiaq 3.4 Agguaqatigiissiillugu inuit isertitaat. 2021

	Isertitat katillugit	Akileraarutaasussat	Isertitat atoriaannaat
	1.000 kr.		
<b>Nuna tamakkerlugu</b> .....	<b>269</b>	<b>259</b>	<b>174</b>
Kommune Kujalleq .....	223	210	148
Kommuneqarfik Sermersooq .....	316	309	199
Qeqqata Kommunianut .....	264	251	174
Kommune Qeqertalik .....	214	202	144
Avannaata Kommunianut .....	228	217	151

Najoqqutaq: <https://bank.stat.gl/INNPI101>

2021-mi inuit isertitaat agguaqatigiissillugu 6.000 kr.-it missaannik amerleriarput pct.-inngorlugu 2,2 pct.-iulluni. Kommuneqarfik Sermersuumi isertitat 3,0 pct.-inik qaffariaateqarnerpaasimapput. Kommune Kujallermi aamma Kommune Qeqertalimmi isertitat aamma 2,6 pct.-inik 2,2 pct.-inillu annertunerulersimallutik.

### Takussutissiaq 3.5 Agguaqatigiissillugu isertitat tamakkiisut

	2017	2018	2019	2020	Allannguut		
	1.000 kr.					2021	2020-2021
						Pct.	
<b>Nuna tamakkerlugu</b> .....	<b>250</b>	<b>253</b>	<b>259</b>	<b>263</b>	<b>269</b>	<b>2,2</b>	
Kommune Kujalleq .....	207	210	213	217	223	2,6	
Kommuneqarfik Sermersooq ....	297	301	303	310	316	1,9	
Qeqqata Kommunian .....	246	251	255	256	264	3,0	
Kommune Qeqertalik .....	193	199	205	209	214	2,2	
Avannaata Kommunian .....	210	215	224	226	228	1,1	


Najoqqutaq: <https://bank.stat.gl/INNPI101>

Isertitat qaffakkiartornerini aamma atuisinnaanerup qaffakkiartorneranut nalilersuinerimi eqqumaffigisariaqarpoq pisisinnaassuseq isertitat annertussusaannik taamaallaat tunngaveqanngimmat, nioqutissalli akiisa ineriartornerat aamma apeqqutaasarmat. Nioqutissat akiinut ineriartornerup ilanngunnissaanut atuisunut akit naleqqersuutaat atussallugu pitsaanerpaavoq.

Atuisunullu akit naleqqersuutaataa ajoqutigisarpaa innuttaasut ataasiakkaat agguaqatigiissillugu atuinerat malillugu naatsorsorneqartarmat. Piviusumi innuttaasut assigiimmik isertitalit nioqutissanik sullissinernillu assigiinngitsunik pisiortorsinnaasarput, agguaqatigiissitsinermiit allaanerulluinnartumik. Allatut oqaatigalungu isertitat pisissutaasinnaasut ersarinnerusumik naatsorsoruminaapput. Paarlattuanik isertitat pisissutaasinnaasut innuttaasup agguaqatigiissillugu atuisarnera isertitat ineriartornerannut naleqqiullugu naatsorsorneqarpoq.

2002-miit 2021-mut isertitat pisissutaasinnaasut 12,9 pct.-inik qaffassimapput. 2015-imiit 2016-imit isertitat pisissutaasinnaasut qaffannerpaasimapput, 3,9 pct.-inik qaffassimallutik. 2016-imiilli ukiut tamaasa ineriartornerat annertusiartorsimalluni.

### Titartagaq 3.5 2002-miit 2021-mut agguaqatigiissillugu isertitat pisissutaasinnaasut




Malugiuk: Isertitat pisissutaasinnaasut naatsorsorneqarput inuit isertitaasa tamarmiusut (akileraannginnermi il.il.) aamma nuna tamakkerlugu naatsorsuutini atuisunut akit naleqqersuutaannut iluarsaassat tunuliaqutaralugit. Najoqqutaq: <https://bank.stat.gl/INNPI501>

### 3.3 Distriktini isertitat

Siornatigut kommuniusimasunut 18-inut, massakkut distriktinik taaneqartunut, inuit isertitaat akileraarusernagit il.il. tamakkiisut isigissagaanni Nuup distriktiani annertuumik qaffasinnerupput, takuuk titartagaq 3.6. 2021-mi Nuummi agguaqatigiissillugu isertitat 342.000 kr.-upput, nuna tamakkerlugu isertitaqarfiusup qaffasinnerpaap tullianiit Sisimiuniit 23 pct.-inik isertitat qaffasinnerullutik. Distriktini sinneruttuni tamani isertitat annertussusaat nuna tamakkerlugu agguaqatigiissitsinermi appasinnerupput.

### Titartagaq 3.6 Distriktini agguaqatigiissillugu inuit isertitaat tamakkiisut. 2021



Najoqqutaq: <https://bank.stat.gl/INNPI102>

2021-mi isertitat Kangaatsiap distriktiani qaffariaateqarnerpaasimapput, 2020-mut sanilliullugu innuttaasut 12.000 kr.-nik agguaqatigiissillugu isertitaqarnerusimallutik, 7,8 pct.-inik annertunerusunik. Nuup distriktiani isertitat qaffasinnerpaajupput 2021-mi inuit isertitaat katillugit 342.000 kr.-usimallutik, 1,2 pct.-inik qaffassimallutik.


### Takussutissiaq 3.6 Distriktini tamani agguaqatigiissillugu inuit isertitaat tamakkiisut

	2017	2018	2019	2020	2021	Allannguut 2020-2021
	1.000 kr.					Pct.
<b>Nuna tamakkerlugu</b>	<b>249</b>	<b>252</b>	<b>258</b>	<b>263</b>	<b>269</b>	<b>2,2</b>
Nanortalik .....	172	176	173	181	181	0,0
Qaqortoq .....	231	232	239	241	246	1,8
Narsaq .....	197	202	205	208	221	6,4
Paamiut .....	191	197	199	202	212	4,8
Nuuk .....	327	327	331	338	342	1,2
Maniitsoq .....	222	224	229	229	238	3,6
Sisimiut .....	259	265	268	270	277	2,7
Kangaatsiaq .....	157	152	159	157	169	7,8
Aasiaat .....	197	204	211	216	225	4,3
Qasigiannuguit .....	211	213	215	227	227	-0,2
Ilulissat .....	241	244	255	258	261	1,0
Qeqertarsuaq .....	207	224	230	230	213	-7,4
Uummannaq .....	212	213	217	224	225	0,5
Upernavik .....	168	179	188	185	186	0,8
Qaanaaq .....	153	160	165	164	170	3,8
Tasiilaq .....	175	183	179	182	192	5,9
Ittoqqortoormiit .....	178	189	191	197	212	7,6

Najoqqutaq: <https://bank.stat.gl/INNPI10>

Distriktini marlunni, Qasigiannugani aamma Qeqertarsuarmi agguaqatigiissillugu inuit isertitaat akileraarusingaanatik il.il. tamakkiisut 2021-mi appariarsimapput. Takussutissiaq 3.6 aamma titartagaq 3.7 malillugit distriktini pineqartuni agguaqatigiissillugu innuttaasup isertitaasa appariaataat 0,2 pct.-iullunilu 7,4 pct.-iusimavoq.

### Titartagaq 3.7 Distriktini agguaqatigiissillugu inuit isertitaasa tamakkiisut ineriartornerat. 2021




Najoqqutaq: <https://bank.stat.gl/INNPI102>

### 3.4 Illoqarfinni nunaqarfinnilu isertitat

Nalinginnaasumik nunaqarfinni isertitat illoqarfinni isertitanut sanilliullugit appasinnerupput, takuuk titartagaq 3.8. 2021-mi nuna tamakkerlugu inuttaasoq ataaseq illoqarfinni najugalik agguaqatigiissillugu 280.000 kr.-nik tamakkiisunik akileraarusigsaanngitsunillu isertitaqarsimavoq, nunaqarfinnilu najugalik agguaqatigiissillugu 188.000 kr.-nik isertitaqarsimasoq. Titartakkamili ersarissumik takutinneqarpoq illoqarfinni nunaqarfinnilu nikingassutsit kommunit akornanni assigiinngiaarnerat.

#### Titartagaq 3.8 Illoqarfinni nunaqarfinnilu agguaqatigiissillugu inuit isertitaat tamakkiisut. 2021



Najoqqutaq: <https://bank.stat.gl/INNPI101>


Illoqarfiit nunaqarfiillu akornanni assigiinngissut annertunerpaaq Kommuneqarfinni Sermersuumiippoq. Kommuneqarfik Sermersuumi illoqarfinni najugallit agguaqatigiissillugu inuup ataatsip isertitai tamarmiusut nunaqarfinni najugallip isertitaannit marloriaataannik annertussuseqarput. Tamanna kommunimi innuttaasut siammasissumik agguataarsimanerannik peqquteqarpoq. Innuttaasut amerlanersaat Nuummi najugaqarput, isertitaqarfiulluartumi, innuttaasulli nunaqarfinni najugallit amerlanersaat Tasiilap distriktiani najugaqarput, agguaqatigiissillugu appasissumik isertitaqarfiusumi.

Akerlianik Qeqqata Kommunian illoqarfinni aamma nunaqarfinni isertitat agguaqatigiissinneri assigiingajapput. Kangerlussuarmi isertitat qaffasinnerannik peqquteqartumik. Qeqqata Kommunian nunaqarfinni najugallit 40 pct.-ingajai Kangerlussuarmi najugaqarput, taakku nunaqarfinni isertitanik naatsorsuinermi qaffasitsitsipput. Narsarsuarmi isertitat aamma qaffasipput, Kommune Kujallermilu nunaqarfinni isertitat annertussusaannut qaffasitsitsillutik – taamaattoq Kangerlussuarmitut annertutiginnngitsumik, Kommune Kujallermi nunaqarfinni najugallit tamakkerlutik Narsarsuarmi najugaqartortai ikinnerungaatsiarnerannik peqquteqartumik.

Illoqarfinni nunaqarfinnilu isertitat nikingassutaat ilaatigut ukioqqortussutsimik tunngaveqarpoq. Inuit sulisinnaasut akornanni isertitat nikingassutaat ersarinneruvoq, takuuk titartagaq 3.9. Nunaqarfinni isertitat ukioqqortussutsinut tamanut naligiissaarnerusumik agguataarsimanerannik

tamanna peqquteqarpoq, illoqarfinnilu sulisinaasut akornani isertitat annertuumik qaffasinnerupput, inuusuttunut utoqqaanerusunullu sanilliullugit.

### Titartagaq 3.9 Aggvaqatigiissillugu inuit isertitaat tamakkiisut ukiut najugaqarfillu malillugit. 2021



Najoqutaq: <https://bank.stat.gl/INNPI101>

Illoqarfiit kisiisa isigissagaanni, takuneqarsinnaavoq nikingassut annertusoq. Takussutissiaq 3.7 malillugu Nuummi aggvaqatigiissillugu inuk ataaseq 342.000 kr.-nik tamakkiisumik isertitaqarsimasoq, illoqarfinni allani isertitat tamarmiusut annikinnerupput. Sisimiut tamakkiisumik isertitaqarfiusut annertunerpaat tulleraat, tassani inuk ataaseq 274.000 kr.-nik isertitaqarsimalluni. Illoqarfinni aggvaqatigiissillugu isertitat tamakkiisut 2021-mi 280.000 kr.-usimapput. Nuna tamakkerlugu illoqarfinni isertitat tamarmiusut aggvaqatigiissinnerini Nuummi isertitat kisimik aggvaqatigiissitsinermi qaffasinnerupput.



### Takussutissiaq 3.7 Agguaqatigiissillugu inuit isertitaat tamakkiisut illoqarfinni

	2017	2018	2019	2020	2021
	1.000 kr.				
<b>Nuna tamakkerlugu</b> .....	<b>260</b>	<b>263</b>	<b>269</b>	<b>274</b>	<b>280</b>
Nanortalik .....	183	192	189	196	196
Qaqortoq .....	236	237	243	245	249
Narsaq .....	189	195	198	201	214
Paamiut .....	189	197	199	203	212
Nuuk .....	329	329	333	339	343
Maniitsoq .....	232	234	238	240	251
Sisimiut .....	256	262	264	266	274
Kangaatsiaq .....	165	164	175	177	187
Aasiaat .....	198	205	211	217	226
Qasigiannugit .....	214	216	217	231	230
Ilulissat .....	244	246	258	263	266
Qeqertarsuaq .....	207	225	231	231	214
Uummannaq .....	220	223	227	231	232
Upernavik .....	200	204	222	221	215
Qaanaaq .....	160	168	174	171	176
Tasiilaq .....	189	201	200	200	215
Ittoqqortoormiit .....	176	188	190	196	211

Najoqqutaq: <https://bank.stat.gl/INNPI102>

Nunaqarfiit akornanni mittarfeqarfiit Kangerlussuaq aamma Narsarsuaq takussutissiaq 3.8 malillugu nunaqarfinnut allanut naleqqiullugit isertitaat qaffasinnerungaatsiarput. Mittarfeqarfinni pineqartuni tamani inuit isertitaat tamakkiisut aammattaq nuna tamakkerlugu agguaqatigiissitsinermi annertunerupput.

### Takussutissiaq 3.8 Nunaqarfiit agguaqatigiissillugu qaffasinnerpaamik tamakkiisunik isertitaqarfiusut

	2017	2018	2019	2020	2021
	1.000 kr.				
Kangerlussuaq (Sisimiut distrikti) .....	319	325	343	336	338
Narsarsuaq (Narsaq distrikti) .....	301	290	304	292	286
Igaliku (Narsaq distrikti) .....	172	186	173	197	250
Saattut (Uummannaq distrikti) .....	246	239	235	252	247
Ilimanaq (Ilulissat distrikti) .....	243	231	213	220	226
Sarfannugit (Sisimiut distrikti) .....	199	182	188	211	224
Qeqertarsuatsiaat (Nuuk distrikti) .....	182	206	204	247	218
Ukkusissat (Uummannaq distrikti) .....	195	203	186	195	211
Innaarsuit (Upernavik distrikti) .....	194	227	226	193	209
Tasiusaq (Upernavik distrikti) .....	178	177	202	177	207

Najoqqutaq: <https://bank.stat.gl/INNPI103>

Agguaqatigiissillugu isertitat tamakkiisut akileraarusersimanningsullu il.il. 125.000 kr.-imiittut Nanortalip distriktiani nunaqarfinni Aappilattumi inoqarfinilu allani 2021-imi takussutissiaq 3.9 malillugu appasinnerpaasimapput. Tassani takuneqarsinnaapput nunaqarfiit qulit 2021-imi tamakkiisunik isertitakinnerpaasimasut.

### Takussutissiaq 3.9 Nunaqarfiit agguaqatigiissillugu appasinnerpaanik tamakkiisunik isertitaqarfiusut

	2017	2018	2019	2020	2021
	1.000 kr.				
Aappilattoq (Nanortalik distrikti) . . . . .	116	122	118	130	125
Kuummiit (Tasiilaq distrikti) . . . . .	142	131	128	128	130
Sermiligaaq (Tasiilaq distrikti) . . . . .	131	131	123	139	130
Tiilerilaaq (Tasiilaq distrikti) . . . . .	120	127	121	136	134
Upernavik Kujalleq (Upernavik distrikti)	129	141	152	142	136
Ammassivik (Nanortalik distrikti) . . . . .	127	141	137	143	138
Narsarmijit (Nanortalik distrikti) . . . . .	155	150	135	140	139
Savissivik (Qaanaaq distrikti) . . . . .	114	118	111	123	140
Kangersuatsiaq (Upernavik distrikti) . . . . .	112	127	131	127	140
Attu (Kangaatsiaq distrikti) . . . . .	158	153	140	130	141

Najoqqutaq: <https://bank.stat.gl/INNPI103>

### 3.5 Suaaassutsit malillugit isertitat

Takussutissiaq 3.10 malillugu 2021-mi angutip agguaqatigiissillugit isertitai tamakkiisut akileraarusingaannigitsullu il.il. 295.000 kr.-upput, arnallu isertitai 241.000 kr.-ullutik. Nuna tamakkerlugu angutip isertitai agguaqatigiissillugu 23 pct.-inik arnap isertitaanit annertunerupput.

Angutit sulisinnaasut arnanut sulisinnaasunut sanilliullugit amerlanerunerat naatsorsuutini ersarissarneqanngilaq, ukiuni inuussutissarsiorfiusinnaasuni ukiulinni angutit amerlanerungaatsiarput isertitaqarnerullutillu, killormulli ukioqqortunerit akornani isertitakinneruffiusunilu arnat amerlanerupput. Taamaattoq piviusumi isertitani nikingassutaat kisitsisit tamakkiisut takutitaannit malunaateqarujussuanngillat.


### Takussutissiaq 3.10 Agguaqatigiissillugu inuit isertitaat tamakkiisut suaassuseq malillugu

	2019		2020		2021	
	Angutit	Arnat	Anguti	Arnat	Angutit	Arnat
	1.000 kr.					
<b>Nuna tamakkerlugu</b> . . . . .	<b>288</b>	<b>226</b>	<b>292</b>	<b>231</b>	<b>295</b>	<b>241</b>
Kommune Kujalleq . . . . .	226	199	228	205	233	211
Kommuneqarfik Sermersooq . . . . .	342	260	350	267	351	278
Qeqqata Kommunian . . . . .	287	218	287	221	291	233
Kommune Qeqertalik . . . . .	216	194	220	198	223	203
Avannaata Kommunian . . . . .	251	193	250	198	251	203

Najoqqutaq: <https://bank.stat.gl/INNPI101>

Takussutissiaq 3.10-mi takuneqarsinnaasut malillugit angutit isertitaat arnat isertitaanit kommunini tamani qaffasinnerupput. Ukioqqortussutsit malillugit nikingassut aamma tamani atuuppoq. Ukioqqortussutsini tamani angutit 2021-mi isertitaat arnat isertitaannit qaffasinnerupput, takuuk titartagaq 3.10 takuuk.

**Titartagaq 3.10 Agguaqatigiissillugu inuit isertitaat tamakkiissut ukiut suaassuserlu malillugit. 2021**



Najoqqutaq: <https://bank.stat.gl/INNPI101>

Sumiiffinni innuttaasullu atungarisaanni tamani uuttuutitut tamanut isertitanut suaassutsinullu atassuserneqarsinnaasuni aamma tamanna atuuppoq.


**3.6 Ilinniakkap qaffasissusaa malillugu isertitat**

Ilinniakkap qaffasissaa isertitallu annertussusaat ataqaatigiipput. Qaffasissumik ilinniarsimasut appasinnerusumik imaluunniit ilinniagaqarsimanngitsunit isertitaat annertunerungaatsiarput. Tamanna qaffasissumik ilinniagaqarsimasut suliffillit appasinnerusumik ilinniaqarsimallutik sulisunit annertunerungaatsiartumik akissarsiaqarnerannik peqquteqarpoq.

Qaffasissumik ilinniagallit akornanni suliffeqarnerup annertunerunera kiisalu suliffissaaleqinerup annikinnerunera isertitat nikingassutaannut aammattaq sunniivoq. Tassani qaffasissumik ilinniagaqarsimasut (ikinnerungaatsiartut) isertitanut taarsiissutaasunik ikiorsiissutinik appasinnerusumik ilinniagaqarsimasuniit pisartagallit aamma ikinnerungaatsiarmata.

Titartagaq 3.11-mi takuneqarsinnaavoq ingerlariaqqiffiusumik ilinnagaqarsimasut ukioqatiminnit appasinnerusumik ilinniagaqarsimasunit annertunerusunik isertitaqartut.

### Titartagaq 3.11 Agguaqatigiissillugu inuit isertitaat tamakkiisut ukiut aamma ilinniakkap qaffasissusaa malillugu. 2021



Takussutissiaq 3.11 malillugu illoqarfinni nunaqarfinnilu isertitat nikingassutaat ilinniakkat ataasiakkaat malillugit sanilliusinermi annikinnerulertarpoq. Taamaattumik illoqarfiit nunaqarfiillu akornanni isertitat assigiinnngissutaat illoqarfinni qaffasinnerusumik ilinniagaqarsimasoqarneranik nassuiarneqarsinnaavoq.

### Takussutissiaq 3.11 Agguaqatigiissillugu inuit isertitaat tamakkiisut najugaqarfik, suaassuseq ilinniakkallu qaffasissusaa malillugit 2021

	Illoqarfinni		Nunaqarfinni	
	Angutit	Arnat	Angutit	Arnat
	1.000 kr.			
Tungaviusumik atuarfik .....	219	168	180	147
Ilinniarnertuunngorniarneq .....	319	204	280	205
Inuussutissarsionermi ilinniagaq .....	402	284	277	229
Ingerlariaqqiffiusumik ilinniagaq naatsoq ...	339	305	289	244
Ingerlariaqqiffiusumik ilinniagaq akunnartumik sivilissusilik	548	433	443	428
Ingerlariaqqiffiusumik ilinniagaq .....	760	607	..	..

Najoqputaq: <https://bank.stat.gl/INNPI104>

## 4. Ilaqutariit isertitaat

Ilaqutariinni atuinerat pingaarnertut uuttuutaasinnaavoq. Ilaqutariit isertitaat innuttaasut atuisinnaanermut periarfissaannut misissueqqissaarnermi tulluurtuummata. Ilaqutariinni assigiinngitsunik annertussusilinni ilusilersorsimasunilu isertitat sanilliussinnaajumallugit isertitanut atoriaannaat annertussusaat atornerpoq.

Ilaqutariinni isertitaqartut tamakkerlutik isertitaat naatsorsuutini tunngavigineqarput, tassani ilaqutariit tamarmik minnerpaamik ataatsimik akileraartartumik ukiullu naanerani 15-inik ukioqalereersimasumik kiisalu ukiup aallartinnerani naanerani Kalaallit Nunaanni najugaqarsimasumik peqartariaqarput.

2021-p naanerani Kalaallit Nunaanni ilaqutariit 31.169-it nalunaarsorsimapput. Taakkunannga ilaqutariit 28.268-it qulaani piumasaaqatinik naammassinnissimapput. 2021-mi ilaqutariit isertitaannut naatsorsuutini pineqartut tunngaviliisuupput.

### Takussutissiaq 4.1 Agguaqatigiissillugu ilaqutariit isertitaat. 2021

	Isertitat katillugit	Isertitat akileraarutaasussat	Isertitat atoriaannaat	Isertitat atoriaannaat annertussusaat
1.000 kr.				
<b>Nuna tamakkerlugu</b> .....	<b>409</b>	<b>394</b>	<b>265</b>	<b>188</b>
Kommune Kujalleq .....	326	307	217	159
Kommuneqarfik Sermersooq ...	475	465	300	215
Qeqqata Kommunia .....	403	383	265	188
Kommune Qeqertalik .....	327	308	219	155
Avannaata Kommunia .....	365	346	241	165
Najugaqarfik				
Illoqarfinni .....	424	409	273	194
Nunaqarfinni .....	296	278	204	143
Ilaqutariit				
Aappariit .....	672	653	425	233
Kisermaat .....	265	252	177	164
Ilaqutariinni meeqqat amerlass.				
Meeraqanngitsut .....	341	330	222	191
Meeraq 1 .....	512	491	330	191
Meeqqat 2 .....	635	613	401	189
Meeqqat 3 amerlanerusullu ...	614	571	405	155

Najoqutaq: <https://bank.stat.gl/INNF101>

Takussutissiaq 4.1. malillugu ilaqutariit isertitaannut kisitsisitigut paasissutissat najugaqarfiit malillugit inuit isertitaannut assigusumik inissisimapput. Kommuneqarfik Sermersuumi ilaqutariit isertitaat kommuninut allanut sanilliullugit qaffasinnerungaatsiarput, nalinginnaasumik aamma illoqarfinni nunaqarfinniit ilaqutariit isertitaat qaffasinnerupput.

Najugaqarfinni isertitat agguataarneqarneri – tupinnangitsumik – ilaqutariit isertitaasa qaffakkiartornerat takutippaat, ilaqutariinni inuit amerlanerujartortillugit isertitat qaffakkiartortarput. Aappariit – agguaqatiissillugu – kisermaanit annertunerusunik isertitaqarput. Assiganik isertitat annertunerulersarput – ass. Meeqqanut tapinik peqquteqartumik – ilaqutariit ataatsimik imaluunniit marlunnik meerartaqarpata.

Ilaqutariit pingasunik imaluunniit amerlanerusunik meerartallit ilaqutariinitt marlunnik meerartalinnit appasinnerusunik akileraarutaasussanik isertitaqarput. Taamaattorli ilaqutariit pingasunik amerlanerusunilluunniit meerartallit isertitaat atoriaannaat qaffasinnerupput. Ilaqutariit pingasunik imaluunniit amerlanerusunik meerartallit akileraarutaasusaanngitsunik ikiorsiissutinik ass. Meeqqanut tapinik annertunerusunik ikiorserneqartarnerinik tamanna takutitsivoq.

Ilaqutariinni inuit arfinillit isertitaat tamakkiisut imaluunniit isertitaat atoriaannaat kisermaamut meeraqanngitsumut sanilliutissallugit naapertuutinngilaq. Ilaqutariit arlalinnik inuttallit ilaqutariinitt ikittuinnarnut inulinnit annertunerujussuarnik isertitaqarnerusariaqarput, taakkununga assigusumik atuisinnaanermut periarfissaqassagunik.

Akerlianilli ingerlatsinermi iluaqutissartaqarsinnaavoq, tassani ilaqutariit amerlanerusunik inuttallit inummut ataatsimut agguaqatigiissillugu kisermaat isertitaasa annertoqataannik assigusumik atuisinnaanermut periarfissaqarniarlutik isertitaqartariaqanngimmata. Assersuutigalungu ilaqutariit arfinilinnik inuttallit arfinilinnik nillataartitsiveqartariaqanngillat imaluunniit arfinilinnik pisattanut qularnaveeqquteqartariaqaratik.

Ilaqutariit assigiinngitsut akornanni isertitat sanilliussinnaanarlugit isertitat annertussusilerlugit uuttuutilerneqarput, assersuutigalungu isertitat atoriaannaat annertussusaat kisinneqarsinnaasunngorlugit, takuuk takussutissiaq 4.2. Kapitali 7-ini immikkoortoq 7.8-mi isertitat atoriaannaat annertussusaannut kisitsineq pillugu atuartaqarsinnaavoq.

#### **Takussutissiaq 4.2 Agguaqatigiissillugu isertitat annertussusaat. 2021**

	Isertitat atoriaannaat	Annertussusaannut uuttuut	Isertitat atoriaannaat annertussusaat
	1.000 kr.		1.000 kr.
Kisermaat meeraqanngitsut . . . . .	171	1,0	170
Kisermaat ataatsimik meerallit . . . . .	196	1,4	140
Kisermaat marlunnik meerallit . . . . .	219	1,8	125
Kisermaat pingasunik amerlanerusunilluunniit meerallit . . . . .	233	2,2	106
Aappariit meeraqanngitsut . . . . .	388	1,5	258
Aappariit ataatsimik meerallit . . . . .	447	1,9	235
Aappariit marlunnik meerallit . . . . .	472	2,2	213
Aappariit pingasunik amerlanerusunilluunniit meerallit . . . . .	450	2,7	167

Najoqutaq: <https://bank.stat.gl/INNF101>

Isertitat atoriaannaat annertussusaannik kisitsinermi isertitat ilaqutariit ataasiakkaat iluini agguataarneqarput. Ilaqutariinni inuit tamarmik – aamma meeqqat – isertitat atoriaannaat annertussusaannik naatsorsuiffigineqarput, ilaqutariinni ataasiakkaat qanoq annertutigisunik isertitaqarnerat apeqqutaatinnagu. Taamaasilluni isertitat annertussusilerneqarneranni ilaqutariinniittut tamakkerlutik atuisinnaanermuit naligiimmik periarfissinneqarlutik.

Takussutissiaq 4.2-mi takutinneqareersutut aappariit isertitaasa atoriaannaat annertussusaat suli qaffasinnerpaavoq. Taamaattoq aappariit kisermaallu akornanni isertitat nikingassutaat annikinnerulersimavoq. Ilaqutariinnilu meeqqat amerliartortillugit ilaqutariit isertitaasa atoriaannaat annertussusaat annikilliarptarpoq. Ilaqutariinnilu inuit aningaasaqarnikkut tapertaasinnaasut amerliartortillugit isertitat atoriaannaat qaffakkiartortaraluartoq isertitat atoriaannaat annertussusaat annikilliarptarput. Tamanna ilaqutariinni arlalinnik inulinni meeqqat 14-it sinnerlugit ukiullit amerlanerusarnerannik peqquteqarpoq, annertussusiinnermi anginersumik uuttuserneqartamata, ilaqutariinniillu 14-inik ukioqalersimangitsunik meerartalinnik isertitaannut atoriaannarnut annikillisaataallutik.


Ilaqutariinni meeqqat amerliartortillugit ilaqutariit atuisinnaanermut periarfissaat annikinneruleriartortarnerannik tamanna, takutinneqareersutut, isumaqarpoq.

## 5. Iseritat akilararutaasussat pillugit kisitsisit

Iseritat akilararutaasussat nalunaarsuiffiat iseritat nalunaarsuiffiini piffisami sivisunerusumi nalunaarsuutiniq imaqqarpoq. Taamaattumik oqaluttuarisaaneq eqqarsaatigalungu soqutinginaateqarluni. Piffissap ingerlanerani akilarartarnermut inatsimmi allannguutit, ilusilersomera naatsorsuinermilu periaaseq iseritat akilararutaasussat nalunaarsuutaanni tunngaviliisuupput, taamaattoq naatsorsuilluni periaaseq atorneqartoq nassuiaanermi eqqumaffigineqassaaq.

Titartagaq 5.1. malillugu 2021-mi iseritat akilararutaasussat tamakkerlutik 12,8 mia.kr-nik annertussuseqarput, isertitaniilli akilararut 4,6 mia.kr.-nik annertussuseqarluni. 1990-ikkulli qeqqanni iseritat akilararutaasussat isertitanit akilararutit assigalungit qaffakkiartuaarsaarsimapput.


### Titartagaq 5.1 Iseritat akilararutaasussat aamma isertitanit akilararutit 1988-2021



Najoqqutaq: <https://bank.stat.gl/INNSS101>

2021-mi iseritat akilararutaasussat ukiup siulianut naleqqiullugit 565 mio.kr.-nik qaffassimapput. Qaffariaat 4,6 pct.-inik annertussuseqarluni.

### Titartagaq 5.2 Iseritat tamakkiisut akilararutaasussallu ineriartornerat 1989-2021




Najoqqutaq: <https://bank.stat.gl/INNSS101>



Titartagaq 5.3 malillugu kommunini tamani Kommuneqarfik Sermersuumi isertitat akileraarutaasussat isertitaniilli akileraarutit tamakkiisut annertuumik qaffasinnerupput. 2021-mi nuna tamakkerlugu isertitat akileraarutaasussat 50,3 pct.-ii Kommuneqarfik Sermersuumiipput, nunalu tamakkerlugu isertitanit akileeraarutit 51,2 pct.-ii aamma tassaniillutik.

**Titartagaq 5.3 Isertitat akileraarutaasussat isertitaniillu akileraarutit kommuninut agguaallugit. 2021**



Najoqqutaq: <https://bank.stat.gl/INNSS101>

Piffissami 1988-imiit 2021-mut Kisitsisaataasivimmi isertitat akileraarutaasussat isertitaniillu akileraarutit pillugit paasissutissat nassaarineqarsinnaapput.

## 6. Isertitat agguataarneqarneri

Kapitalimi uani inuiaqatigiinni isertitat agguataarneqarneri imaluunniit isertitat assigiinngissutaat saqqummiunneqarput. Nunanut Avannarlernut EU-mullu sanilliussisoqarpoq. Naggasiullugulu ilaqutariinni meerartalinni isertitat assigiinngissutaat immikkut naatsorsuffigineqarlutik saqqummiunneqarput.

Kalaallit Nunaanni ilaqutariit akornanni isertitat agguataarneqarnerini misissuinermi isertitat atoriaannaat annertussusaat atorineqarpoq, isertitani ilaqutariit annertussusaat ukiuisalu qanoq inissisimanageri sanilliunneqarsinnaasunnorgorniarlutik.

Pineqartuni agguataarineri uuttuutit pingasut atorineqarput, isertitallu agguataarneqarnerini immikkut tamarmik nassuiaateqarlutik:

- Gini-koefficienti
- Piitsuussuermut qanissuseq
- S80/20

Uuttuutit pingasut tamarmik *The European Union Statistics on Income and Living Conditions* (EU-SILC)-mi maleruagassat malillugit naatsorsorneqarput, EU-SILC-milu OECD-mi piimasaqaatit tamaasa angusimavaat nunanut allanut sanilliunneqarsinnaalluarlutik. Takuuk kapitali 7-imi immikkoortoq 7.6.

Isertitat agguataarneqarnerat inuiaqatigiit akornanni isertitat qanoq nalingiitsiginerannik imaluunniit nikingatiginerannik taamaallaat takutitsisuunngilaq. Isertitalli agguataarneqarneri inuunermi assigiinngitsunik inissisimaffinnik aamma takussutissaasinnaavoq. Assersuutigalungu inuusuttut ilinniakkamik ingerlatallit nalinginnaasumik appasissunik isertitaqartarput, ilinniakkalli naammassinerani inuussutissarsiornermi misilittagaqarnerulernermi aamma qaffakkiartortunik. Taamatuttaaq inuiaqatigiinni isertitat assigiinngiissitaarnerinut peqqutaasinnaavoq inuit ataasiakkaat appasinnerusunik isertitaqarniarlutik namminneq aaliangertarneri, assersuutigalungu piffissap ilaannaatigut sulisarnikkut.

### 6.1 2002-miit 2021-mut Kalaallit Nunaanni isertitat agguataarneqarneri

Uuttuutit assigiinngitsut pingasut immikkut sammiveqaraluartut tamarmik ineriartornermi assigusunik takutitsipput. 2004-imiit 2005-imut assigiinngissummi kiisalu piitsuussutsimut qanissusermi annertuumik appariaateqartoqarnera pingaartumik malunnarpoq. 2005 aallarnerfigalungu akileraartarnermut inatsimmi allannguutit atuutsinneqalerannik tamanna peqquteqarsinnaavoq.

Isertitanit akileraartussap akissarsiaasa ilanngaattissaa 40.000 kr.-miit 48.000 kr.-mut qaffanneqarpoq, nalinginnaasumillu akissarsianut ilanngaat 8.000 kr.-miit 10.000 kr.-nut qaffanneqarluni, akileraartarnermullu pct.-i 2 procentpointimik qaffappoq. Allannguutit isertitakinnerusut

akileraarnikinnerulersippaat, isertitaqarnerusartullu akileraarnerusalerlutik, tamakkiisumilli isigalugu akileraarutit allannguuteqarujussuanngillat.

2020-mi isertitat aallaavigalugit suliffeqarnermut nunaqavissunut tapi akileraarutaasussaangitsoq atuutsinneqalerpoq. Tapi *suliner*mut *ilanngaamik* taaguuteqartinneqartoq akunnattumik appasinnerusunillu isertitallit atoriaannarnik annertunerusunik isertitaqalernerannik tamanna kinguneqarpoq.

Immikkut maluginiaqquneqarpoq 2016-imiit 2017-imut nikeriarneq ilaatigut utoqqalinersiassanut nunani allaniittunut akiliilernermi akileraartalerneq pissutaasut ilagimmassuk. Tamanna assigiinngisitaarnernut uuttuutunut 2017-imoortunut naatsorsuutunut sunniuteqarpoq.


### **Gini-koefficienti**

Assigiinngisitaarnernut nassuiaat nunarsuarmi atorneqarnerpaaq tassaavoq Gini-koefficienti, isertitat assigiinngisitaarneri Gini-koefficienti atorlugu takuneqarsinnaasarpoq. Koefficienti kisitsisaavoq 1-ip 100-llu akornaniittoq. Gini-koefficienti 0-imut qaninnerugaangami isertitat assigiinngisitaarneri annikinnerusarput, inuiaqatigiinnilu naligiissaarnerusumik isertitat inissisimasarlutik.

Kalaallit Nunaanni Gini-koefficienti 2002-miilli qaffakkiartuaarpoq, tamatuma takutippaa inuiaqatigiinni isertitat eqqarsaatigalugit nikingassut annertusiartortoq. 2017-imi qaffasinnerpaasimavoq 36,0-iulluni tamatumalu kingorna 2018-imi 34,9-mut aamma 2019-imi 34,6-imut apparsimalluni. 2020-mi nikingassut 2018-misut 34,9-mut qaffaqqippoq, titartagaq 6.1. takuuk. 2021-milu 2009-miilli aatsaat taamak appasitsigisimavoq.

2017-imi isertitat nikingassutaat piviusumi qaffasinnerpaajunngilaq. 2017-imi isertitat atoriaannaat naligiissinnerannut 2017-imi januaarip aallaqqaataani akileraarutigineqartalersut sulisitsisullu utoqqalinersiaqalernissamut Kalaallit Nunaata avataanut akileraarutaat tassani ilaammata. Taakku aatsaat 2018-imi immikkoortinneqarsinnaalerput, Akileraartarnermut Aqutsisoqarfiup akileraarutitut nalunaarsuutaat malillugit, isertitat tamakkiisut katinneri, isertitat atoriaannaat aamma annertussusaat tassani piiarneqarsinnaalermata. Titartagaq 6.1-imi takutinneqartumit 2017-imi assigiinngissutsip eqqortup annikinnerulaarsimanissaa tassani naatsorsuutigineqassaaq.

## Titartagaq 6.1 Gini-koefficienti 2002-2021



Najoqqutaq: <https://bank.stat.gl/INNIU101>

Pissutsit piviusut malillugit naligiivissortunik isertitallit akuttusoorujussuupput. Gini-koefficientip pitsaaqutigaa kisitsit ataaseq atorlugu isertitakinnerpaat isertitaqqortunerpaallu qanoq nikingatiginerannik takutitsisinnaagami. Taamaasilluni ajornanngitsuaqqamik isertitat assigiinngisitaarnerat nassuiarneqarsinnaalersillugu.

Gini-koefficientimi isertitat qanoq qaffasitsiginerat koffecientimi apeqqutaatinneqannginnera taamaattoq ajoqutaavoq. Gini-koefficienti atorlugu takusinnaanngilarput piitsuunerpaat piitsuunerulersimanersut. Gini-koefficientili qaffakkiartoraangat takuneqarsinnaasarpoq isertitaqqortunerpaat isertitaqqortusiartornerat isertitakinnerpaanut sanilliullugit sukkanerunersoq, taamatullu inuiaqatigiinnilu nikingassut annertusigaluttuinnartoq.

### Piitsuussusermut qanissuseq

Piitsuussusermut qanissuseq tassaavoq piitsuussutsip inuiaqatigiinni inooriaatsimut uuttuunneqarnera. Piitsuussusermut qanittutut naatsorsorneqarput inuiaqatigiinni amerlanerusut akissaqartinneqartunut akissaqanngippata, isertitat tamakkerlutik nalingisa qeqqanni inissisimasutut taaneqarlutik. Innuttaasut affai appasinnerusunik isertitallit affaalu qaffasinnerusunik isertitallit isertitat nalingisa qeqqaniittoq annertussuseq atorlugu immikkoortinneqartarput.

Piitsuussusermut qanissuseq uuttorniaraani isertitat kisiisa isigisariaqanngillat, pigisanit nalilinnit inuuniuteqarluni appasinnerusunik isertitaqarnissaq toqqarneqarsimasinnaammat. Massakkumuugallartoq Naatsorsueqqissaartarfimmit pigisat nalillit pillugit kisitsisitigut paasissutissiortoqartanngilaq, piitsuussusermullu qanissuseq ilaqutariinni isertitat atoriaannaat annertussusaat malillugit naatsorsorneqartarpoq.


2021-mi ilaqutariit isertitaanut nalunaarsuiffik ilaqutariinnik 28.268-inik imaqarpoq. Ilaqutariinni taakkunani inuit katillugit 53.585-iupput. Piitsuussutsimut qanissutsip kisinneqarnerani ilaqutariit ataasiaakkaat isertitaasa atoriaannaat annertussusaat ilaqutariinni inunnut tamanut

agguaanneqarput. Annertussusermut uuttuut atorlugu ilaqutariit atoriaannartut isertitaat inuit amerlassusaannut uuttorneqarpoq, ilaqutariinni pineqartuni inuit isertitaasa atoriaannaat annertussusaat assigiilersillugit.

Titartagaq 6.2-mi takutinneqarpoq isertitanut appasissunut killiliussat malillugit, isertitat nalingisa qeqqani 40 pct.-it, 50 pct.-it 60 pct.-illu ataanni inissisimasunut, kisitsineq. 2021-mi inuit 9.538-t 18 pct.-inik annertussusillit appasissunillu isertitallit isertitat nalingisa qeqqanni 60 pct.-it ataanni inissisimasutut. Isertitakinnerusut isertitat annertussusaasa qeqqanni 60 pct.-illu ataanni inissisimasut tallimaagaangata ataaseq pitsuussusermut qanittumi inissisimasartoq tamanna isumaqarpoq.

Isertitanut appasinnerusunut killiliussaq isertitat annertussusaasa qeqqani 40 pct.-inut apparaanni 2021-mi inuit 3.697-it 6,9 pct.-inik annertussusillit piitsuussusermut qanittutut taaneqarsinnaapput. 2010-p kingornali taakku 5-7 pct.-inik annertussuseqartarput.

### Titartagaq 6.2 Piitsuussusermut qanissutsit uuttuutaat 2002-2021



Ilaqutariinni najugaqartunut ROP40, ROP50 aamma ROP60 isertitat tamakkerlutik nalingisa qeqqanni 40 pct.-it, 50 pct.-it aamma 60 pct.-it ataallugit isertitalinnut uuttuutaapput.


Najoqqutaq: <https://bank.stat.gl/INNIU101>

### Isertitakkaat isertitakitsullu akornanni nikingassut (S80/20)

S80/20 nikingassutsinut uuttuutaavoq isertitaqqortunerpaat 20 pct.-ii aamma isertitakinnerpaat 20 pct.-iisa assigiinngissutaannik nassuiarneqartartoq. S80/20 atorlugu takuneqarsinnaavoq ilaqutariit isertitaasa assigiinngisitaarneranni isertitaqarnerpaat aamma isertitakinnerpaat nikingassutaat. Uuttuut nunat tamalaat akornanni isertitat nikingassutaannut nassuiaatitut atorneqarajuppoq.

Isertitakitsut aamma isertitaqqortuut imminnut nikingassusaat Gini-koefficientimitulli ipput. 2021-mi Kalaallit Nunaanni S80/20 malillugu uuttuut 5,3-miippoq, takuuk titartagaq 6.3. Tamanna ilaqutariit qaffasinnerusumik isertitallit ilaqutariinnit isertitakinnerusunit 5,3-mik qaffasinnerusumik atoriaannarnik isertititaqarnerannik isumaqarpoq.

### Titartagaq 6.3 Ilaqutariit isertitakkaat isertitakitsullu akornanni nikingassut 2002-2021




Titartakkami takutinneqarpoq S80/20, isertitaqqortunerpaat 20 pct.-iisa aamma isertitakinnerpaat 20 pct.-iisa nikingassusaat. S80/20 qaffasinnerugaangami nikingassut annertunerusaarpoq, appasinnerugaangamilu annikinnerusarluni.

Najoqqutaq: <https://bank.stat.gl/INNIU101>

### 6.2 Nunat tamalaat akornanni sanilliussineq

Titartagaq 6.4 aamma 6.5 malillugit Kalaallit Nunaanni ilaqutariit akornanni isertitat nikingassutaat, piitsussusermut qanissutsumi kisitsisit assigalungit, nunanut avannarlernut allanut saniuliussinermi qaffassissusaat annertuneruvoq.


### Titartagaq 6.4 Nunani Avannarlerni EU-milu Gini-koefficienti



Najoqqutaq: <https://bank.stat.gl/INNIU101>, EU-SILC aamma Nordisk Ministerråd

Titartagaq 6.5-imi takutinneqarpoq piitsuussusermi qanissuseq isertitanut killigititani isertitat tamakkiisut annertussusaasa qeqqani 60 pct.-it ataallugit inissisimasunut. Nunat ilanngunneqarsimasut akornanni Kalaallit Nunanni piitsuussusermut qanissuseq qaffasinnerpaavoq. Sverige-mi piitsuussusermut qanissuseq EU-mi agguaqatigiissitsinertulli annertutigaaq, kisianni Island-imiit, Danmark-imiit, Finland-imiit Norge-miillu annertunerulluni.

## Titartagaq 6.5 Nunani Avannarlerni EU-milu piitsuussusermut qanissuseq



Malugiuk: Kalaallit Nunaannut kisitsisit kisitsisaagallarpur. Piitsuussusermut qanissutsimut uuttuut ROP60 malillugu ilaqutariinni inissisimasut isertitat annertussusaasa qeqqanni 60 pct. ataallugu isertitallit uani takutinneqarput. Najoqqutaq: <https://bank.stat.gl/INNIU101>, EU-SILC aamma Nordisk Ministerråd.

Nunat tamalaat akornanni sanilliussinerit mianersuunneqassapput. *The European Union Statistics on Income and Living Condition (EU-SILC)*-mi nikingassutsinut naleqqersuutit maleruagassallu sapinngisamik najoqqutarineqaruartut, assigiinngissitaartunik naatsorsuineri periuseqarsinnaammata. Kalaallit Nunaanni aamma Danmark-imi, nunat ataasiakkaat assigalungit, isertitat positiviusut aamma negativiusut tamaasa nikingassutsinut misissuineri ilanngunneqartarput. Taassuma saniatigut Kalaallit Nunaanni piniarnermi aalisarnermilu pisanik imminut pilersorneq aningaasaqarnikkut tapertaasartoq annertuvoq, isertitat kisitsisitigut paasissutissaannik naatsorsuineri ilanngunneqartanngitsoq.

### 6.3 Ilaqutariit meerartallit akornanni isertitat agguataarneqarneri

Immikkoortumi matumani ilaquariit minnerpaamik ataatsimik 18-illu ataallugit ukiulimmik meerartallit Gini-koefficienti malillugu naatsorsuutaat. Immikoortoq 6.1-imi nassuiarneqareersutut kisitsineri periaaseq atornerqarpoq.


Nuna tamakkerlugu Gini-koefficientimi ineriartornermi inissisimaneq aamma ilaqutariinnut meerartalinnut atuuppoq, takuuk titartagaq 6.6. Ilaqutariinni meerartalinni Gini-koefficienti, nuna tamakkerlugu ilaqutariit tamakkerlutik isertitaannut naatsorsuutinit tamanit, appasinnerusumik inissisimavoq, tamannalu ilaqutariinni inunnut tamanut isertitat naligiissaartumik agguanneqarsimanerinit takussutissaavoq.

2008-mi ilaqutariinnut meerartalinnut Gini-koefficienti qaffakkiartuaarsimavoq, ilaqutariit meerartallit akornanni isertitat nikingassutaasa annertunerunerannik isumaqartumik. Ukiumilu pineqartumi takuneqarsiinnaavoq ilaqutariinni tamani killormut nikingassut annikinnerulerluni ingerlasimasoq. 2008-mi, 2007-mut 2009-mullu naleqqiullugit, nikingassutsip annertunerulernera ilaatigut akileraarutaasussaannngitsunik pisortanit ikiorsiissutit annikinnerusut naatsorsorneqarsimammanerannik nassuiarneqarsinnaavoq. Taamaattumik

2008-mi ilaqitariit meerartallit akornanni isertitat nikingassutaat annertoq pisortanit ikiorsiissutaasartut naatsorsuutitut ilanngunneqarsimannginnerat tassani peqqutaataasinnaavoq.

Titartagaq 6.6 malillugu 2021-mi ilaqitariit tamakkerlutik kiisalu ilaqitariit meerartallit akornanni nikingassutaat appariarsimavoq.

### Titartagaq 6.6 Gini-koefficienti 2002-2021



Najoqqutaq: Isertitanut nalunaarsuiffit ilaqitariinnut tunngasunik immikkut naatsorsuineq.



## 7. Periaaseq taaguutillu

### 7.1 Siunertaq

Isertitat pillugit kisitsisitigut paasissutissani inuiaqatigiinni isertitat qaffasissusaat aamma agguataarnerisa erseqqissarneqarnissaat siunertaavoq. Isertitat pillugit kisitsisitigut paasissutissat aamma inuiaqatigiit ataqatigiissinneranni eqimattani assigiinngitsuni isertitat erseqqissarneqarput – assersuutigalugu siuaassutsinut, ukioqqortussutsinut aamma inunngorfimmut immikkoortiternerini. Ukiut ingerlanerini isertitat ineriartornerat ukiunut siullernut ataqatigiissinnerisigut ersersinneqarsinnaapput. Ilaqutariit assigiinngitsut isertitaat aamma isertitat akileraarutaasussat aamma isertitanit akileraarutit erseqqissarneqarput.

Erseqqissaatigineqassaaq isertitat pillugit kisitsisitigut paasissutissat tamakkiisumik pigissaarnermik atuinissamullu periarfissanik takutitsinngimmata. Assersuutigalungu pigisat nalillit namminerlu pilersornermut tunngasut paasissutissanut ilaanngillat. Kiisalu kisitsisitigut paasissutissat sulinermi aningaasarsianut paarlaanneqannginnissaat.

### 7.2 Nalunaarsuutit tunngaviusut

Isertitat pillugit kisitsisitigut paasissutissanut innuttaasut akileraaruteqartussatut inaarutaasumik naatsorsuutaat (S31) aamma ukiumi pineqartumi Kalaallit Nunaanni najugaqarsimasut akornanni akileraarutissanut naatsorsuutit tunngaviupput. Taakku tunngavigalugit Naatsorsueqqissaartarfik nalunaarsuutsinik pingasunik pilersitsivoq:

- Inuit isertitaasa nalunaarsuiffiat
- Ilaqutariit isertitaasa nalunaarsuiffiat
- Isertitat akileraarutaasussat nalunaarsuiffiat

Nalunaarsuiffiit pingasut tamarmik immikkut namminerisamik isertitanut paasissutissani tunngavigineqarput. Immikkoortuni tulliuuttuni nalunaarsuiffinni pineqartuni kisitsisinilu pilersinneqartut pillugit kiisalu sammisani ataasiakkaani ajornartorsiutaasinnaasut sammineqarput.

#### 7.2.1 Inuit isertitaasa nalunaarsuiffiat

Inuit isertitaasa nalunaarsorsimaffiat isertitat pillugit nalunaarsuiffimmi pingaarnerpaajuvoq. Inuit isertitaasa nalunaarsorsimaffiat naammassillugu suliarineqarnerata kingunaa atsaat ilaqutariit isertitaasa nalunaarsorsimaffiat suliarineqarsinnaavoq. Naatsorsueqqissaartarfiup inuit isertitaasa nalunaarsorsimaffianut isertitat akileraarutitaqanngitsut ilannguttarpai. Taamaaliornermi inunnik isumaginninnermut nalunaarsuiffik aamma ilinniagaqarnersiutinut nalunaarsuiffik ilanngunneqartarpoq. Pisortat akileraarutitaqanngitsumik ikiorsiissutaat tassaapput; ineqarnermut tapit, meeqqanut tapit, meeqqanut tapit allat, utoqqalinermi aamma siusinaarluni soraarnerussutisianut tapit akileraarutitaqanngitsut, pisortanit ikiorsiissutit aamma ilinniagaqarnersiutit.

Inuit isertitaasa nalunaarsorsimaffiat annerpaamik uani saqqummersitami tunngavigineqarput. Isertitat akileraarutillu saniatigut nalunaarsuiffik suaassutsinik, ukioqqortussutsinik, najugaqarfinnik il.il. aamma imaqarput.

Isertitat pillugit kisitsisitigut paasissutissat inunnik nalunaarsuiffimmiittunik imaqarput, inuit ipineqartut ukiumi pineqartumi akileraartussaataapput tamakkiisumik, ukiullu naanerani 15-inik ukioqalereersimasuussallutik. Taakku piunasaqaatit saniatigut Naatsorsueqqissaartarfiup inunnt nalunaarsuiffiani ukiup pineqartup aallartinnerani aamma naanerani allassimasuutigineqartussaavoq.

2021-mi nalunaarsuiffik tunngaviusoq 49.779-inik isertitanut paasissutissanik imaqarpoq. Taakkunannga inuit 42.816-it (86 pct.) piunasaqaatigineqartut angusimavaat – tamakkiisumik akileraartussaataaneq, ukiup naanerani 15-inik ukioqalersimanissaq aamma ukiup pineqartup aallartinnerani aamma naanerani Kalaallit Nunaanni najugaqarsimanissaq, taakkuuppullu isertitat pillugit kisitsisitigut paasissutissani tunngavigineqartut.

### **7.2.2 Ilaqutariit isertitaasa nalunaarsuiffiat**

Inuit isertitaasa nalunaarsorsimaffiat naammassillugu suliarineqareernerani aatsaat ilaqutariit isertitaasa nalunaarsuiffiat suliarineqarsinnaavoq.

Inuit isertitaanut nalunaarsuiffi Naatsorsueqqissaartarfiullu inunnt saniatigullu ilaqutariinnut nalunaarsuiffii tunngavigalugit ilaqutariit isertitaat katiterneqartarput, ilaqutariit isertitaat ataatsimut naatsorsorneqartarlutik taamatullu isertitanit akileraarutissaat naatsorsorneqartarlutik.

Ilaqutariit isertitaanut nalunaarsuiffimmut ilanngunneqartarput ilaqutariit ukiumi pineqartumi minnerpaamik ataatsimik 15-inik ukioqalereersimasumik tamakkiisumik akileraartartumik ilaqartut, taannalu ukiup aallartinnerani naanerani Kalaallit Nunaanni najugaqarsimassaaq.

Ilaqutariit assigiinngitsunik amerlassuseqartarnerat katitigaanerisalu assigiinnginnerat pissutigalungu isertitallu piviusorsiornerusumik sanilliussinnaanissaat anguniarlugu isertitat atoriaannaat naligiissarneqarnerat atorneqarpoq – taanna pillugu immikkoortoq 7.8 atuaruk.

2021-p naanerani Kalaallit Nunaanni ilaqutariit 31.169-iusimapput. Taakkunannga 28.268-it, 91 pct.-inik annertussusillit ilaqutariit isertitaasa nalunaarsuiffiannut ilaapput. 2.901-it ilaqutariit isertitaasa nalunaarsuiffiannut ilaangilat. Ilaqutariinni taakkunani piunasaqaatit; tamakkiisumik akileraartussaataaneq, 15-ileereersimanissaq, ukiullu pineqartup aallartinnerani naanerani Kalaallit Nunaanni najugaqarsimanissaq, anguneqarsimanngillat.

Ilaqutariit isertitaat pillugit paasissutissat inuiaqatigiinni atuisinnaanermut periarfissanik takutitsisuusinnaavoq. Taassuma saniatigut nalunaarsuiffik atorlugu inuiaqatigiinni *isertitat assigiinngissitaarnerat* ersersinneqarpoq. Ilaqutariit isertitaanut nalunaarsorsuiffik pillugu Naatsorsueqqissaartarfiup nittartagaani [www.stat.gl](http://www.stat.gl) –imi saqqummersitaq kingulleq innersuunneqarpoq.

### 7.2.3 Isertitat akileraarutaasussat nalunaarsuiffiat

Isertitat akileraarutaasussat nalunaarsorsimaffianiipput inuit ukiup ingerlanerani akileraaruteqartussat tamarmik, najugaq akileraarutissallu annertussusaat peqqutaatinnagit. Isertitat akileraarutaasussat nalunaarsorsimaffii atorlugit isertitat akileraarutaasussat katinneri immikkut soqutiginarput, aningaasaqarnerullu pissusaanut uuttuutaasinnaalluni. Inuillu isertitaannut imaluunniit isertitat agguataarneqarnerinut tulluartaunani.

### 7.3 Soraarnerussutisiaqalernissamut aaqqiissutit Kalaallit Nunaata avataani inissisimasut

2017-imi januaarip aallaqqaataani soraarnerussutisiassat Kalaallit Nunaata avataanut inissineqarsimasut Kalaallit Nunaanni tamakkiisumik akileraartussaataasunit akileraarutigineqartalerput:

- Kalaallit Nunaata avataani soraarnerussutisiassanik akiliinermi ilanngaait atorunnaarput, aamma
- Kalaallit Nunaata avataanut sulisitsisup soraarnerussutisiassanut akiliutai akileraarutigineqartalerput.

Akileraartarnermut Aqutsisoqarfiup allannguut ima suliarivaa:

- Kalaallit Nunaata avataanut soraarnerussutisiassanut akiliutit akileraarutinut ilaajunnaartinneqarput aamma
- 2017-imiit Kalaallit Nunaata avataanut sulisitsisup soraarnerussutisiassanut akiliutigisartagai isertitatut akileraarutaasussatut ilanngunneqarput. Akileraartarnermut Aqutsisoqarfimmi aatsaat 2018-imi nalunaarsorneri takuneqarsinnaalerput.

Kalaallit Nunaata avataanut soraarnerussutisiassanut akiliutit akileraarutitalit isertitani akileraarutaasussat Akileraartarnermut Aqutsisoqarfimmit naatsorsorneqartartuni kisiisa pinnagit isertitanit allanit peerneqartarput. Danmark Statistik aamma taamatut suleriaaseqarpoq, sulisitsisut soraarnerussutisiassanut akiliutigisartagaat isertitanut suliaqarnermut ilanngunneqarneq ajorput, inummut pineqartumut atorneqarsinnaannginneri pissutigalugit.

Soraarnerussutisiassanut akiliutit akileraaruteqaataasussat – akileraartarnermi maleruagassat malillugit – isertitanut akileraaruteqaataasussanut ilanngunneqartarput. Akerlianilli isertitanut naatsorsuinernut allanut ilanngunneqassanngillat, inummut pineqartumut atorneqarsinnaannginneri pissutigalugit.

Taamaasilluni sulisitsisunit soraarnerussutissiaqalernissamut Kalaallit Nunaata avataanut akiliutit 2017-imi isertitanut akileraarutaasussanut ilanngunneqarput, aatsaalli 2018-imi takuneqarsinnaanngorlutik; isertitat tamakkiisumik katinnerini imaluunniit isertitat atoriaannaat naatsorsuutaanni ilaanngillat.

#### 7.4 Isertitat atoriaannaat aamma isertitat immikkuullarissut

Isertitat atoriaannaat tunngavigalugit inuup imaluunniit ilaqutariit atuisinnaanerat uuttorneqarsinnaasarpoq. Isertitat atoriaannaat inuup imaluunniit ilaqutariit ineqarnermut, atuinernut imaluunniit sipaagaqarnermut atorsinnaavai, taakkuullutillu akileraareerluni, ernianut akileereerluni akilersuutinullu akileereerluni isertitat. Ilaatigut sulinermit ilanngaas isertitanut atoriaannarnut ilanngunneqartarput.

Ataani takuneqarsinnaavoq isertitat atoriaannaat naatsorsorneri. Siullermik inuussutissarsiomermit isertitat, pisortanit ikiorsiissutit, soraarnerussutisiaqalernissamut nammineerluni sipaakkat aamma pigisanit nalilinnit isertitat katinneqartarput, taakku tamarmik akileraannginnermi nalunaarutigineqarsimasuussapput. Taakkunanga akileraarut, ernianut akiliutit aamma akilersuutinut akiliutit peerneqartarput. Sulinermit ilanngaatinik akiliutit taakkununnga ilanngunneqassapput.

#### Takussutissiaq 7.1 Isertitat atoriaannaat – agguaqatigiissillugu 14-ileereersimasunut. 2021

	Kr.
Inuussutissarsiomermit isertitat	239.789
+ Pisortanit ikiorsiissutit . . . . .	24.849
+ Soraarnerussutiasat nammineq sipaakkat	4.341
+ Pigisanit nalilinnit isertitat, ilanngaateqanngitsut	180
- Ernianut aningaasartuutit . . . . .	5.056
- Isertitanik akileraarutit . . . . .	91.909
- Akilersuisussaataaernermit akiliutit	137
+ Sulinermit ilanngaas . . . . .	1.940
<b>= Disponibel indkomst . . . . .</b>	<b>239.789</b>

Najoqqutaq: <https://bank.stat.gl/INNPI101>

Isertitat atoriaannartut naatsorsuutigineqartarput inummit immaqaluunniit ilaqutariinnit isertitat atuinermi atorineqarsinnaasut imaluunniit sipaarneqarsinnaasut.

Ineqarnermut akiliutit, a-kassemut imaluunniit suliaqarfimmi kattuffinnut akiligassat, angalanernut allanulluunniit akiligassat isertitanik atoriaannarnit ilanngaatigineqarneq ajorput, inuit imaluunniit ilaqutariit nammineerlutik annerusumik minnerusumilluunniit taakku aqussinnaasarmatigit.

Akilersuisussaataaernermit akiliutit, pinngitsoorani akiligassaaneri pillugit, taamaasillunilu sumut atorusunerlugit nammineq aalajangersinnaanagit, naatsorsuutini peerneqartarput.

Sulinernullu ilanngaatit isertitanut atoriaannarnut ilanngunneqarsinnaasarput.

Naatsorsueqqissaartarfimmit isertitat tamaasa eqqarsaatigalugit inuup inuunera naallugu isertitatut ataatsit aningaasat atorsinnaanerit periarfissaqalernermit qulakkeerneqartarput. Assersuutigalugu suliffimmit soraarnerussutiasat pinngitsoorani pigineqartussat aatsaat

utoqqalinersiaqalernerimi pineqartarput, inuup nammineerluni utoqqalinersiaqalernissaminut sipaagai akiliinermut ilanngunneqartarput.

Naatsorsueqqissaartarfiup isertitat atoriaannaat pillugit naatsorsuutai amigaateqarput. Isertitani atoriaannarni aamma isertitani kisitsisitigut paasissutissani allani ilaanngillat:

- Aningaasat atornagit imminut pilersorsineq, piniarnermit aalisarnermiillu.
- Akileraarutitaqanngitsumik sulinerimi akissarsiat.
- Kingornussarsiat, tunissutisiat aamma ilaqtanit aningaasatigut ikiorsiissutit.
- Lottomi eqquinerit aamma pinnguaatiniillu allanit eqquinerit.
- Sillimmasiisarfinniit aningaasat taarsiissutit.
- Sulisitsisunit aqunneqartut utoqqalinersiaqalernissamut akiliutit.
- Namminerisamik utoqqalinersiaqalernissamut sipaagaqarnermit iluanaarutit ingerlaavartut.
- Piffissaq eqqornagu utoqqalinersiaqalernissamut pappialaatit nalillit tiguneqarsimasut aamma piffissaq eqqornagu utoqqalinersiaqalernissamut sipaakkat tiguneqarsimasut.
- Pillorissaasunut allanullu tapit.
- Inigisap nalingata annertusinerata aamma annikillineranit allannguummit iluanaarutit/annaasat.
- Akilersuutitut tapit siusinaarluni akiliutigineqartut aamma meeqqanut tapit.

### **7.5 Isertitat pillugit kisitsisinik saqqummiussineq**

Inuit isertitaat pillugit aamma ilaqtariit isertitaat pillugit nalunaasuutit sammisanik assigiinngitsunik 31-nik imaqarput. Taakkunannga sammisat 28-iusut Naatsorsueqqissaartarfiup Kisitsisaataasiviatigut saqqummersinneqartarput, takussutissiaq 7.2 takuuk. Inuit isertitaanut aamma ilaqtariit isertitaanut tunngasut sammisat pingasuusut saqqummersinneqanngitsut Naatsorsueqqissaartarfiup nalunaarsuutaaniittut:

- Suliffeqarfimmi iluanaarutit
- Tulaassat, suliffeqarfimmi iluanaarutit ilanngaataqanngitsut
- Pisortanit ikiorsiissutit akileraarutitaqanngitsut isertitatut tunniunneqartut katillugit

## Takussutissiaq 7.2 Inuit isertitaasa nalunaarsorsimaffiat atorlugu isertitanik assersuutitut itisiliineq. 2021

	Isertitat suussusaat malillugit	Isertitat annertussusaat	Isertitalinnut tamanut agguaqatigiissillugu	Isertitat suussusaat malillugu agguaqatigiissillugit
	Amerlass.	1.000 kr.	Kr.-nngorlugit	
<b>1 Isertitat atoriaannaat (2-23-24-25) .....</b>	<b>42.095</b>	<b>7.449.822</b>	<b>173.996</b>	<b>176.976</b>
<b>Isertitat akileraannginnermi allanullu</b>				
<b>2 akiliinnginnermi (3+8+19+20) .....</b>	<b>41.820</b>	<b>11.524.275</b>	<b>269.158</b>	<b>275.569</b>
<b>3 Inuussutissarsiutinit isertitat (4+5+6+7) .....</b>	<b>35.969</b>	<b>10.266.790</b>	<b>239.789</b>	<b>285.434</b>
4 Akissarsiat, sulilluni tunissutisat assigisaallu. ....	34.414	9.454.655	220.821	274.733
5 Suliffeqarfiit sinneqartoorutaat .....	3.682	729.748	17.044	198.193
6 Nunanit allanit isertitat .....	763	11.511	269	15.087
7 Akissarsiarititat aamma B-isertitat allat. ....	3.428	70.876	1.655	20.676
<b>8 Pisortaqarfinnit isertitat ikiorsiissutit (9+12+16) .....</b>	<b>19.309</b>	<b>1.063.942</b>	<b>24.849</b>	<b>55.101</b>
<b>Suliffeqanngikkallarnermi ikiorsiissutit, pisortat</b>				
<b>9 ikiorsiissutaat assigisaallu (10+11) .....</b>	<b>5.639</b>	<b>85.117</b>	<b>1.988</b>	<b>15.094</b>
10 Arbejdsmarkedsydelse .....	2.262	25.297	591	11.184
11 Offentlig hjælp .....	3.883	59.820	1.397	15.406
<b>12 Ikiorsiissutit allat (13+14+15) .....</b>	<b>11.761</b>	<b>278.416</b>	<b>6.503</b>	<b>23.673</b>
13 Ilinniagaqarnersiutit .....	4.949	151.241	3.532	30.560
14 Ineqarnermut tapit .....	4.513	87.533	2.044	19.396
15 Meeqqanut tapit .....	5.260	39.643	926	7.537
<b>16 Pisortanit soraarnerussutisat (17+18) .....</b>	<b>6.562</b>	<b>700.409</b>	<b>16.359</b>	<b>106.737</b>
17 Pisortanit utoqqalinersiat .....	4.047	441.133	10.303	109.002
18 Pisortanit siusinaartumik soraarnerussutisat. ....	2.737	259.276	6.056	94.730
Tjenestemandspensionit, ATP aamma utoqqalinersiat				
19 namminersortunit. ....	2.785	185.848	4.341	66.732
<b>20 Pigisanit nalilinnit isertitat, tamarmiusut (21+22) .....</b>	<b>1.141</b>	<b>7.695</b>	<b>180</b>	<b>6.744</b>
21 Ernianit isertitat .....	960	607	14	632
22 Pigisanit nalilinnit allanit isertitat (aktianit allaniillu isertitat). ....	192	7.089	166	36.921
23 Ernianut aningaasartuutit .....	30.040	216.461	5.056	7.206
24 Isertitanit akileraarutit katillugit .....	36.241	3.935.181	91.909	108.584
25 Akilersuutitut akiliutit. ....	26.198	83.068	1.940	3.171
26 Akilersuisussaataaermermut akiliutit. ....	180	5.878	137	32.657
- Isertitat atoriaannaat naligiissinneri (immikkut ilanngussaq) ....	41.895	8.380.762	195.739	200.042
- Isertitat akileraaruteqaataasussat (immikkut ilanngussaq) .....	42.516	11.083.870	258.872	260.699

Najoqqutaq: <https://bank.stat.gl/INNPI101>

Takussutissiami 7.2-mi takuneqarsinnaasunut 28-nut sammisanut paasissutissat assigiinngitsut atorlugit itisiliissutit Naatsorsueqqissaartarfiup Kisitsisaataasiviani pissarsiarineqarsinnaapput. Itisiliinermut atorneqarsinnaasut nutaat takussutissiami 7.2-imi takutinneqartut saniatigut paasissutissat pineqarsinnaapput:

- Inuit isertitaat tunngavigalugit (Amerlassusaat)
- Isertitat annertussusaat (1.000 kr.)
- Inuit isertitaasa agguaqatigiissinnerat (kr.)
- Inuit isertitaat tunngavigalugit agguaqatigiissinnerat (kr.)

Ilaqutariit isertitaat pillugit paasissutissat aamma kisitsisaataasivimmi pissarsiarineqarsinnaapput.

Inuit (imaluunniit ilaqutariit) amerlassusaat, ukiumi naatsorsuiffiusumi pineqartut, inuit isertitaat tunngavigalugit agguaqatigiissinnerat (kr.) ima naatsorsorneqarsinnaapput:

$$\text{Inuit amerlassusaat} = \frac{\text{Isertitat annertussusaat (1.000 kr.)}}{\text{Inuit isertitaat tunngavigalugit agguaqatigiissinnerat (kr.)}}$$

Malugiuk, Naatsorsueqqissaartarfiup Kisitsisaataasiviani kisitsisit tabeliniittut ilisarinnissinnaannginnissamik piumasaqaatitaqarmata. Naatsorsueqqissaartarfiup inuit imaluunniit ilaqutariit tallimaniit ikinnerugaangata Naatsorsueqqissaartarfiup pineqartut ilanngussinnaajunnaartarpaat. Taamaattut isaasat ("..") atorlugit nalunaarutigineqartarput. Kisitsisaataasivimmi decilikkaarlugit 10.decilimi tamanna atortinneqanngilaq, annerpaamik isertitallit eqqarsaatigalugit.

### 7.6 Isertitat agguataarneqarnerini periaaseq

Isertitat assigiinngisitaaneri itisiliilluni misissuineri The European Union Statistics on *Income and Living Conditions* (EU-SILC)-imi periutsit tunngavigineqarput. Taakku EU-mi inuit atugarisaasa misissuineri suleqatigiilluni suliaapput, isertitat pillugit kisitsisitigut paasissutissiornerit tassani annerusumik pineqarlutik. SILC-mi kisitsisitigut paasissutissiorneri naleqqersuutit assigiinngitsut sammineqarput, taakkunanga Kalaallit Nunaanni isertitat assigiinngisitaarnerisa naatsorsuutaat atorineqarluni.

### Nunanut allanut sanilliussisinnaaneq

SILC atorlugu Kalaallit Nunaat Danmark assigalugu isertitat immikkuuffaarissut qulakkeerneqarput, positivit aamma negativit tamakkerlugit ilanngunneqarnerini.

Isertitat negativusut tamakkiisumik ilanngunnerisigut, Kalaallit Nunaanni isertitat iluoornerusumik ersersinneqarput. Kisianni akierlianik sanilliussinissamut ajornartorsiortitsillutik, nunat ilaasa isertitat negativusut nalunaarsorsinnaanngimmatigit. Tamanna isertitat negativusut akileraarutininik nalunaarsuiffimmut nalunaarutigineqarsinnaannginnerannik pissuteqarsinnaavoq, imaluunniit nunanit pineqartunit isertitat negativusut akuerineqarsimanninnerat, taamaasillunilu 0-inngortiinnaqartarlutik. Nunani amerlasuuni SILC misiligutitut annikitsumik atorineqarpoq.

Inuit pisortat atuinerinik assigiinngitsunik atuinerisa assigiinngitsuusarneri – tassa pisortanit inunnut ikiorsiissutit – pissutaallutik nunat marluk isertitaasa assigiinngissutaanik sanilliussineq atuisinnaanermut assigiinngissutsinik erseqqissaasinnaanera iluooruuseq oqaatigineqarsinnaanngilaq. Kalaallit Nunaanni pisortat ikiorsiissutinut annertuumik atuisarpoq, taamaammallu nunanut avannarlernut sanilliunneqarsinnaalluni. Kisianni, nunani marlunni pisortat ikiorsiissutaanik inuit atuinerat assigiittutut isikkoqaraluartoq, isertitat eqimattakkuutaarnerini assigiinngitsorujussuusinnaapput.

Nunanut tamalaanut allanut sanilliussinissamut killilersuisoq alla tassaavoq, isertitat aningaasanik naleqanngitsut Kalaallit Nunaanni isertitanut nalunaarsuiffimmut ilanngunneqanngitsut. Taamatulli periuseqarneq SILC-mi

suleriaaseq pissutaavoq, isertitat aningaasanik naleqanngitsut ilanngunneqarneq ajormata.

Kalaallit Nunaannili inuit ilaasa akornanni isertitat aningaasanik naleqanngitsut, assersuutigalugu piniarnermit pisanit aamma aalisarnernit pisanit, atuinissamut tapertaalluurtuupput. Tamanna isertitakinnerusuni annertunerusumik atuussimaguni, isertitat nikingassutaat, taamatullu piitsuussusermut qanissuseq annikinnerusimassaaq, saqqummersitami uani paasissutissiissutigineqartuninngarnit.

Piniakkanik aalisakkanillu nammineq pisanit atuineq qanoq sunniuteqartiginersoq erseqqissumik nalilerneqarsinnaanngikkallarpoq.

### 7.7 Ajoqutit

Kalaallit Nunaata inukinnera pissutaalluni piffissap ingerlanerani sanilliussinerni nikingassutsit annertusarput. Nikingassutsillu annertunerulersarput inuit ikittunnguit pineqartillugit. Taamaattumik ukiut ingerlanerini allanngorluinnartoqarsimagaangat inermiliinerit mianerilluinnaqqissaartariaqarput. Immikkoortumi 7.3-mi allaaserineqartut malillugit isertitat aalajangersimasut, isertitat pillugit kisitsisitigut paasissutissanut ilanngunneqanngillat.

### 7.8 Taaguutit

**Akileraannginnermi isertitat tamakkiisut** inuussutissarsiummit isertitat, pisortat ikiorsiissutaat, namminerisamik utoqqalinersiassanut katersat aamma pigisanit nalilinnit isertitat tamakkerlutik katinneri. Taakkuupput inuup imaluunniit ilaqutariit akileraannginnermini, ernianut akiliinnginnerminni allanullu akiliinnginnerminni isertitaat. Isertitat negativiusut tassaapput suliffeqarfii amigartooruteqarsimasut isertitaat imaluunniit inuup aktianik annaasaqarujussuarnermi isertitai. Akileraaruteqannginnermi isertitat tamakkerlugit tamakkiisumik nalunaarutigineqarsimannginnerat pissutaalluni ilaatigut amigaateqarput. Akileraarutitaqanngitsumik sulineq, kingornussat, lottomi assigisaanillu eqquinerit nalunaarutigineqarsimanngillat, takuuk immikkoortoq 7.4.

**Isertitat akileraaruteqaataasussat** Akileraarnermut inatsisit malillugit akileraaruteqaataasussat, taakku tunngavigalugit tamakkiisumik akileraarutit naatsorsorneqartarput. Inatsisit malillugit ilanngaattissaq isertitanit peereerpat, isertitat akileraarutaasussat sinnerutissapput. Akileraartarnermut Aqutsisoqarfimmit S31-ni nalunaarsuutit malillugit isertitat akileraarutaasussat kisinneqarput.

**Sulinermit ilannga**at tapisiaavoq, akileraarnissamut tunngaviusumik naatsorsuinermit atorneqartarluni, 2020-mi akileraarnissamut ukiorititaasumi atorneqalerpoq. Sulinermit isertitat tunngavigalugit ilannga at taatsorsorneqartarpoq. Sulinermit ilannga at annertusisarpoq isertitat apparaangata, taamaasilluni sulisut isertitakinnerusut aamma akinnattumik isertitallit ukiumut aningaasat atorsinnaasaat annertusineqarlutik. Sulinermit ilannga at akileraarutaasussaannigilaq, akileraarpallaarsimanermilu aningaasanik utertitsineq assigalugu utertinneqartarlutik. Akileraartarnermut



Aqutsisoqarfimmit akileraarutininik akiliinikipallaartoqarsimatillugu sulinermut ilanngaatiq ilaa imaluuniit tamakkerlugu atorneqarsinnaavoq, akileraarutininik akiliinikipallaarsimanerup annikillisinnaanut.

**Isertitat atoriaannaat** inuup imaluuniit ilaqutariit isertitai atoriaannaat. Isertitat atoriaannaat naatsorsorneqartarpoq isertitat tamakkerlugit naatsorsorneqarneri assigalugit. Isertitat atoriaannaat naatsorsorneqartarpoq, akileraannginnermi allanillu akiliinnginnermi inummumut ilanngaatiq, isertitanit akileraarutit aamma akilersuutinut akiliutit peerlugit. Isertitat atoriaannaat pillugit immikkoortoq 7.4 takuuk.

**Isertitat atoriaannaat annertussusaat** ilaqutariit akornanni isertitat nikingassusaat naatsorsorniarlugu atorneqartarpoq. Isertitat atoriaannaat, ilaqutariinni inuit amerlassusaat aamma ilaqutariinni inuit ukioqqortussusaat atorlugit isertitat atoriaannaat naligiissinneqartarput. Ilaqutariit assigiinngitsut akornanni isertitat assigiinngissutaat taamaasilluni sanilliunneqarsinnaasarpoq.

**Annertussutsinut uuttuutit** ilaqutariinni inuit amerlassusaat aamma ilaqutariinni inuit ukioqqortussusaat atorlugit isertitat atoriaannaat uuttuutaat naatsorsorneqartarput. Oqimaalutaq OECD standard malillugu naatsorsorneqartarpoq, inoqutigiinni inersimasoq siulleq 1-mik oqimaassusilerneqartarpoq. Allanik inersimasoqaraangat inersimasoq ataaseq 0,5-imik oqimaassusilerneqartarpoq, meeraq ataaseq 0,3-mik oqimaassusilerneqartarluni. Ilaqutariit marlunnik inersimasortallit meerartaqanngitsut isertitaasa naligiissinnerat 1,5-iussaaq, inersimasoq ataaseq marlunnik 15-it ataallugit ukiulinnik meeralik 1,6-iussalluni.

**Isertitat pisissutaasinnaasut** – aamma aningaasanik pisissutaasinnaasunik taaneqartut – isertitat qaffasissusaasa aamma akit qaffasissusaasa ataqatigiinnerat isertitanut pisissutaasinnaasunut tunngassuteqarpoq. Isertitat qaffakkaangata atuinissamut periarfissat aamma qaffattarput, akerlianik akit qaffakkaangata atuinissamut periarfissat annikillisarput. Isertitat qaffarnerat akinit qaffasinneruppat oqartoqartarpoq isertitat pisissutaasinnaasut qaffattut. Akerlianik akit qaffarnerat isertitanit qaffasinneruppat isertitat pisissutaasinnaasut appartarput. Isertitat pisissutaasinnaasut takutippaat agguaqatigiissillugu innutaasut atuinissamut periarfissaat, agguaqatigiissillugu atueriaatsip akillu allanngorarnerisa nunami tamarmi isertitanut imminnut qanoq attuumassuseqarnerat eqqarsaatigalugu.

**Decilit tunngavigalugit assigiinngissutsit** isertitat nalingi annertussusaat tunngavigalugit qulinut (decilinut) amerlaqatigiikkaarlugit immikkoortinneqartarput. 1. decilimi isertitakinnerit 10 pct.-it inissisimapput, 2. decilimi isertitakinnerit tullii 10 pct.-it inissisimasut, taamatut decilikkaarlutik agguarsimallutik. Isertitat decilinut nalunaarutigineqartarput decilip pineqartut agguaqatigiissitsinermut tulluaraangat imaluuniit decilimi pineqartumi isertitap annerpaaffissaa annerpaamik killissimagaangagu. Isertitat medianiat tassaavoq 5. decilimi isertitat annerpaaffissaat, ilisarinnissinnaatitaannginneq pissutaalluni 10. decilimi isertitat annerpaaffissaat saqqummiunneqanngillat.

**Ukiut** ukiup pineqartup naanerani inuup ukioqhortussusaa. Inuit isertitaanut kisitsisitigut paasissutissanut, inuit isertitaasa nalunaarsuiffianniittut, ukiumi pineqartumi tamakkiisumik akileraartussaataitaasut ukiullu naanerani 15-inik ukioqalereersimasut, ilaapput. Taassuma saniatigut Naatsorsueqqissaartarfiup innuttaasunut nalunaarsuiffianut ukiup pineqartup aallartinnerani naaneraniilu nalunaarsugaasimassaaq.

**Ilaqutariit** inuk ataaseq imaluunniit inuit allallit, inuit allattorsimaffiat malillugu najugaqatigiit aamma imminnut arlaatigut attuumassuteqartut. Ilaqutariinni inuit kisimiittuusinnaapput aappaqarlutilluunniit, meerartaqaratik imaluunniit meerartaqarlutik. Inoqutigiit akornanni najugaqatigiit tamarmik ilaqutariiusinnaapput kisianni aamma inoqutigiit akornanni ilaqutariit arlariiusinnaapput. Aappariinni aamma kisimiittuni angerlasimaffimmi najugalimmik meeraqartoqarsinnaavoq ataatsimik arlariinnilluunniit (0-17-inik ukiullit) imaluunniit ataatsimik arlalinniilluunniit inuusuttunik (18-24-nik ukiullit) najugaqartoqarsinnaalluni.

**Inoqutigiit** ataatsimi najugaqatigiiffiusumi inoqutigiit, ataatsimik inuttaqarsinnaapput imaluunniit inunnik arlariinnik. Najugaq tassaasinnaavoq nalinginnaasumik najugarisaq imaluunniit ulloq unnuarlu angerlarsimaffik, ass. kollegia, utoqqaat illuat aamma meeqqat angerlarsimaffiat.

**Kommunit** januaarip aallaqqaataani 2009-mi kommunit 18-iusimasut sisamangortinneqarput. Kommunini 18-ini naatsorsuinermi aalajangersimasunut suli soqutiginaateqarput, uani saqqummersitami nunap agguataarnerani aamma atorneqarpoq. Siornatigut kommuniusimasut agguataarnermi **distriktinik** taaneqarput. Distriktit aamma kommunit ataqatigiinneri takussutissiaq 1.1-mi takuneqarsinnaapput. Januaarip aallaqqaataani 2018-imi Qaasuitsup kommuni marlunnut avinneqarpoq; Avannaata Kommunianut aamma Kommune Qeqertalimmut. Takussutissiaq 7.3-mi takukkit.

### Takussutissiaq 7.3 Kommunit distriktillu, 31. decembar 2021

Kommune Kujalleq	Kommuneqarfik Sermersooq	Qeqqata Kommunია	Kommune Qeqertalik	Avannaata Kommunია
Nanortalik	Ivittuut	Maniitsoq	Kangaatsiaq	Ilulissat
Qaqortoq	Paamiut	Sisimiut	Aasiaat	Ummannaq
Narsaq	Nuuk		Qasigiannuit	Upernavik
	Tasiilaq		Qeqertarsuaq	Qaanaaq
	Ittoqqortoormiit			

**Kommunit avataanni** Kalaallit Nunaanni allaffissornikkut najugaqarfiit. Pituffik taakkunani pingaarnerpaajuvoq. Isertitat kommuninut immikkoortinneqarneranni ilaangikkaluartut nuna tamakkerlugu naatsorsuutitut saqqummersitami ilaapput. *Kommunit avataanni* kisitsisit Kisitsisaataasivimmi pissarsiarineqarsinnaapput.

**Ilinniakkap qaffasissusaa** ukiup pineqartup naanerani inuup qaffasinnerpaamik naammassillugu ilinniarsimasaa. Paasissutissat Naatsorsueqqissaartarfiup ilinniagaqarnermut nalunaarsuiffianit pissarsiaapput. ISCED11-uddannelsesnomenklatur atorlugu ilinniakkat immikkoortiterneqarput, kisianni immikkoortunut arfinilinnut ikilisinneqarsimallutik, *Tunngaviusumik ilinniarfik* appasinnerpaalluni *Ingerlaqqiffiusumik ilinniarneq takineq* qaffasinnerpaajuvoq.

**Gini-koefficientip** isertitat nikingassutaat ersersippai – isertitat annertusiartortillugit isertitani nikingassutsit angineruleriartortarput. Nunanut tamalaanut Gini-koefficienti atorlugu sanilliussiniarluni ilaqutariit isertitaasa atoriaannaat annertussusilikkat naatsorsuinermit atorleqartarput. Gini-koefficienti pillugu nassuiaaneq saqqummersitami *Christen Sørensen: Økonomisk fordeling, Systime, 1999*-imi atuarneqarsinnaavoq.

**Piitsuussusermut qanissuseq** nunani tamalaani piitsuussusermut uuttuutaavoq. Kalaallit Nunaanni pisortatigoortumik piitsuussuseq killilerneqanngilaq, kisianni isertitat assigiinngissutaat piitsuussusermut qanissuseq atorlugu paasinarsarneqartarpoq. Ilaqutariit isertitaasa isertitat tamarmiusut medianiannit aalajangersimasumik pct.-inik appasinnerunerat tunngavigalugu, appasissuseq appasippallaamik isertitaqarnermik taaneqartarpoq. Appasippallaamik isertitaqarnermut isertitat medianiat tunngaviliisuvoq, taanna inoqutigiit isertitaasa atoriaannaat naligiissinnerani inuit isertitaat tunngavigalugit naatsorsorneqartarpoq.

**S80/20** tassaavoq isertitaqarnerpaat 20 pct.-iisa aamma isertitakinnerpaat 20 pct.-iisa nikingassutaat. Nunani tamalaani sanilliussisinnanissaq eqqarsaatigalungu ilaqutarinni inuit isertitaat atoriaannaat qaffasissusaaq malillugit naatsorsorneqarpoq.

---

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- \* Foreløbigt eller anslået tal

Saaffiginniffissaq

Lene Baunbæk

E-mail: leba@stat.gl

Isertitat

Grønlands Statistik  
Postboks 1025 · 3900 Nuuk  
Tlf.: +299 34 57 70 · Fax: +299 34 57 90  
www.stat.gl · e-mail: [stat@stat.gl](mailto:stat@stat.gl)

